



160 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

了翁上座請大藏及百家書置武州紫雲山
我微笑塔院宣府中永為學者不敢詩出院內
當山世鐵牛機謹識



B 64853

64854

百凝禪師語錄卷第十一

嗣法門人超宣等編

再住松江明發禪院語錄

上堂舌頭在我口裏隨我說將來拄杖在我手中隨
我打將去打去則棒棒無差不論是佛是魔是女是
男都與按過說來則言言見諦不拘魯墳竺典醫經
外史盡底掀翻衲僧家箇箇眼有筋皮有血闖入這
般行戶帶水拖泥抵償舊債也免不得舊債償矣今
日倚棹言旋同諸君逍遙自在一句如何話會寒梅
漏洩先春信瘦策輕移任意看

1701-234567891801-234567891901-23456789

歲旦上堂三百六旬之始二十四氣之初金雞唱早
 啓重扉銀燭搖紅通曙色萬姓稱觴慶賀諸侯執玉
 來朝相逢盡握手揚眉共坐各吟詩刻賦於斯時也
 政所謂天得一以清地得一以寧君王得一而天下
 平衲僧得一而事事現成忽有箇漢出問云如何是
 一山僧也不管汝新年頭驕頭便打何以如此諦觀
 法王法法王法如是

出關請上堂僧問把住則真金失色放行則瓦礫生
 光猶未是衲僧行履處如何是衲僧行履處師云真
 金大色瓦礫生光進云將謂雲生碧嶂原來月落寒

潭師云識得末後句未進云爲衆竭力禍出私門師
 打云果然僧禮拜師乃云昔年別我把關封今日功
 圓脫蓋籠百里重來呈舊面桃花仍自笑春風春風
 起處萬井熙怡燕語鶯吟山青水碧政當此際腳下
 無拘一句則不問只如福如上座所出底關是是非
 關耶佛祖關耶生死關耶假饒道得一一分明我這
 裏還有向上關在且作麼生是向上關良久云喫便
 下座

上堂人世榮枯猶如幻夢半生心事付彼流川何用
 掛挂波波忍效蟠間之乞且自溫溫重重甘擣陋巷

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之簾君不見兒童鬪百草遍處去尋討鬪罷各歸家
狼籍誰與掃又不見兒童放紙鳶來風直戾天忽朝
線索斷擗地有誰憐阿呵呵恁麼淡話我說得汝也
說得只是跛腳阿師能說不能行喝一喝

龔耀泉請上堂僧問如何是祝壽一句師云秦峰高
泖水濶進云劫外乾坤古壺中日月長師云時來天
地皆同力進云春風共演無生曲總入吾門化育中
師云不須舉酒問崆峒僧作禮云謝師答話師云交
乃云閒似忙蝴蝶飛飛過短墻忙似閒白鶯思魚立
小灘坡老爲人真好笑口頭三昧水瀰漫且不閒不

忙一句作麼生道搭起層臺著戲裯蟠桃拓出任君
攀復舉僧問三角印和尚云如何是三寶印云禾麥
豆僧云學人不會印云大眾欣然奉持師云印和尚
眼觀東南意在西北今日或有問明發如何是三寶
但云福壽春他若云學人不會但云居士欣然奉持
是汝諸人切莫道明發依他作解俗氣不除好

生日馬駿卿請上堂僧問萬仞波濤駕鐵幢巍巍直
入柳堤中手持百步穿楊箭用祝吾師算莫窮如何
是穿楊箭師云中進云學人代禮拜去師云穿過觸
體也不知進云風前接得秦符命月下騰騰信腳歸

100123456789180123456789160123456789

師云閒閒語問四衆臨筵如何是祝讚第一句師云
燕語一簾日鶯吟兩岸風進云海屋添籌數人間幾
萬春如何是第二句師云八句也有僧喝師便打乃
云青青翠竹盡是真如喚真如作翠竹得麼鬱鬱黃
花無非般若喚般若作黃花得麼故善言言者不以
辭害意善知者不以理廢事辭意脗合事理融通
世出世間打成一片或茸城垂釣引出赤尾長腮或
松下科頭還我嘲風弄月富貴不能驕貧賤不能困
患難不能移當此之際且道山僧本命元辰落在何
處舉拂子云流行坎止隨渠妙莫認生緣坐亥宮

端午刈麥上堂雨過來麩匝地黃亂蛙聲裏報端陽
風蒲可愛無心剪雲衲相隨且力忙提起穰鎌兵已
辟解開芒縷命尤長輸贏世路呼誰醒忍學村農自
在方

上堂世尊有密語迦葉不覆藏往往盡道拈花微笑
是密語是不覆藏若與麼會則謂世尊不覆藏迦葉
有密語亦何不可還委悉麼花發鷄冠媚早秋誰人
能染紫絲頭有時風動頻相倚似向堵前鬪不休拍
禪牀云世尊迦葉來也切忌錯下名言便下座
劉門超鳳請上堂盡十方刹海微塵同一箇太平日

1701-234567891801-234567891901-2345678

撰述

月徧世界女男凡聖共一箇無位真人覲面相呈色
聲不到當陽拈起背觸俱非惟許具夙根利智底機
先領旨言外超宗徹見鋒芒拈來便用自然風飛雷
厲迴異常流鳳髻拖光萱幃耀彩且道山僧與麼說
還當得馬氏延生句也無卓拄杖云三萬六千朝又
暮壽山高出碧雲層

上堂麻三斤乾屎橛趙州喫茶玄沙未徹這般說話
諸方喚作餽飯殘羹殊不知百味珍饈無踰於此是
汝今日亦須仔細嘗過始得且嘗過後如何麒麟閣
上閒名字不博生前一笑歡

請上堂僧問秋風颯颯吹來遍地黃金寒水潺潺粧
成長流玉帶今日張門夫人請陞座未審祈箇甚麼
師云一串數珠談不盡進云恁麼則紫綬傳金谷青
氈起舊家師云有勞重說偈言問如何是世尊不說
說師良久如何是迦葉不聞聞師云上座耳聾進云
寶華座上家風轉四衆齊霑雨露恩師云恁麼那僧
拂袖歸衆師乃云籬外芙蓉開映水庭前桂子馥飴
風老胡萬里迢迢信只此分明意莫窮會得今笑山
僧指鹿爲馬會不得今罵山僧喚甕作鐘會與不會
一總拈卻也是濕紙將來裹大虫徧身眼活觸處途

通佛祖心胸都剖露海門夜半日頭紅復舉宋時張天覺公及第後因入僧寺見藏經梵夾金字整飭乃拂然歸書院夜坐長吟向氏夫人呼云官人夜深何不睡去公云正此著無佛論向應聲云既是無佛何論之有當著有佛論始得公疑其言後訪一同列見佛龕前維摩經借歸閱次向問看何經公云維摩經向云可熟讀此經然後著無佛論公異之由是深信佛乘師云天覺公著無佛論若非向氏夫人輕輕點撥幾乎勞而無功所謂妻賢夫必正省力已多時武原張門夫人陳氏與侗翁太檀護同心同德屏翰禪

林遐邇聞名人天贊頌今又同太夫人顧氏遠來璜溪設供較之向氏夫人軒輊何啻十倍且山僧酬謝底句畢竟作麼生展演世世生生徵壽考衣冠常立帝王傍

海會書至上堂萬善殿中闡祖機清風襲襲播坤維龍顏大悅親垂手榮賜仰黎策杖歸大眾我愍公首座一時際遇亦足觀光正眼看來猶少衲僧一籌在然雖如是也不得屈抑他何故叢林在處皆寥落輔

聖深心此道先

湯仁侯同室馬氏保嗣上堂心地生諸種因事復生

10123456789180123456789150123456789

理果滿菩提圓花開世界起大小般若多羅說因說
果則不無若是應時及節底句則未在且作麼生是
應時及節底句諸人還知落處麼呈拂云玉燕投懷
惟仁是輔明珠入掌於湯有光勤禱祝勿遺忘舉心
動念卽道場佇看他日岐嶷也克振家聲賽馬良
冬至上堂羣陰互戰寒風惡葉盡千村乾索索律管
忽然丁倒吹陽隨至日動寥廓動寥廓后箭抽條梅
破萼漏洩能仁意旨多衲僧一任共酬酢

臘八靈瑞請上堂不畏身中冷常憂世上寒踰城而
夜遯隱坐雪山看看箇甚麼一點明星當午現神頭

鬼臉許多般喝一喝復舉古者云忍忍三世如來從
此盡饒饒萬禍千殃從此消默默無上菩提從此得
慈受深云會得此三種語好箇不快活漢愚庵及云
老慈受錯下名言會得此三種語好箇沒量大人師
云山僧則不然會得此三種語好箇披枷帶鎖漢何
故莫將無事爲無事往往事從無事生

歲旦上堂新年新月不用說新佛法只可說箇好話
壯人見聞且如何是好話弓橐矢戢四海慶太平之
春雨順風時萬民獲安養之利叢林因而富足僧衆
賴以和融活潑無礙無拘步騰騰自由自在是則

固是忽若山僧轉一語云福不可屢倅安不可久居得福而慮患則其福必臻處安而思危則其安可保敢問諸人是好話耶非好話耶良久云懵懂之流猶沉醉夢英靈漢子自合知機便下座

張順橋請上堂五燈千燈從一燈起呈拄杖云只這一燈從甚處起十歲百歲從一歲生卓拄杖云只這一歲從甚處生識得這一燈五燈千燈燈燈不異識得這一歲十歲百歲歲歲無差所以道聖賢者後天地生而知天地之始先天地老而知天地之終知終知始隨處作主正體圓明超宗越祖今日當堂舉似

君切莫悠悠自莽鹵復云此數日以來雨多晴少屋壁角一堆佛法幾乎浸爛若非鹽官齋主到山因風簸颺好不困悶簸颺已竟東去西去作麼生行不得也哥哥泥滑滑也奈何

印光請上堂僧問處處霜風凜冽箇箇寒毛卓豎政策麼時還許學人問話否師云也不消得進云爲什麼不消得師云自己領會好進云恁麼則竹影掃塔塵不動月穿潭底水無痕去也師云人前一任舉似僧喝師云卻有些須氣息進云今日親見和尚師噓一噓乃云移花種竹做成頭緒便是好經綸叅易餽

10123456789180123456789150123456789

按轡長驅也趨伊弗及趨得及亦希奇不因閒世英童出爭顯中庭有白眉

子美三省子單鍔須圓檀護請上堂世路欹欵相逢誰現大人相荒村僻冷逆料門疎長者車不謂序屬三春碧桃風動文星入座華戶增輝山僧愧無一法可表殷勤且借手中拂子露箇題目去也遂豎起拂子云題目露也是什麼章句就中有能坐斷要津別通消息如金毛出窟返擲自由似香象渡河截流而過全理全事卽色卽心然後知燕語鸞啼咸宣妙義霞光水影悉闡真機自己與古聖今賢覲體混融不

二古聖今賢與自己隨緣應化無差保國安家也在裏許榮前裕後也在裏許乃至植福延齡也在裏許政當此際大眾異口同音又如何贊頌擊拂子云突兀九峰環拱翠華堂戲彩老萊多

盛愛湖張鏡巖李天衢請上堂有佛處不得住寶鏡高懸無佛處急走過鎮鄧橫按摘楊花摘楊花人從鵝湖來接得江西信報道廬山有香爐峰瀑布泉景況可愛李謫仙騎驢遊遍忍俊弗禁拍手而歌曰日照香爐生紫煙遙看瀑布挂長川飛流直下三千丈疑是銀河落九天好大眾恁麼詞章如何當作宗乘

10123456789180123456789150123456789

撰述

廣雅齋詩話卷第一

且江西鵝湖相去幾千里爲甚傳聞恁麼近李謫仙
去此千餘年爲甚麼騎驢尚在這裏見得方知山僧
與衆居士久歷遠劫同在光明藏中並行不相違悖
其或未能張公自喫酒李四自還錢山僧提籃盛水
賣河邊總不干諸人些子事喝一喝

上堂以世諦法接人去落在世諦法中以佛祖機接
人去落在佛祖機中以向上拈提接人去落在向上
拈提中山僧佛祖機不會世諦法不通向上拈提也
無有且作麼生招接良久拍膝一下云閒持經卷倚
松立笑問客從何處來

請上堂一切甚深廣大義如來一句能演說且作麼
生是如來一句琅函滿藏蕃衍空文畢鉢重科沉埋
與旨總未見如來一句在若論如來一句似天普益
似地普擎似風普吹似日普照透聲透色非寂默可
通離相離名非語言可造山僧今日借此一句爲嘉
禾凌門朱老孺人六旬壽使其身安意泰食息無虞
寶婺星垂籌添海屋不亦盡美盡善矣乎雖然只此
一句畢竟作麼生道良久豎起拂云看看山僧道去
也擊香几一下復舉趙州問僧一日看多少經僧云
或七八或十卷州云闍黎不會看經僧云和尙一日

1012345678918012345678916012345678

看多少州云老僧一日祇看一字師云十卷八卷不多不少一日一字不少不多大小趙州瞞這僧卽得瞞山僧則不得爭如朱老孺人自家屋裏看一藏兩藏又倩人看一藏兩藏藏圓滿字字分明其功德寧有旣耶是汝諸人還知伊收因結果處麼菩提子徧三千界般若花開萬古春

普賢爲師預慶請上堂僧問向上一着千聖不傳豎拂拈槌當說何法師云日暖梨花白天寒鳥語低進云應以比丘身得度者卽現比丘身而爲說法今日比丘尼身和尙作麼生說師云領取前話進云一種

沒絃琴惟師彈得妙師云贈汝三文買草鞋乃云運龜毛筆磨無煙墨展玄沙白紙三張長書傳大士偈云有物先天地無形本寂寥能爲萬象主不逐四時凋普賢菩薩騎六牙白象空中唱言善哉善哉此偈不惟壽已而且壽人不惟壽今生而且壽曠劫直得鐘山獻瑞樹頭挂絢爛之霞浦水騰波河伯效恒升之慶回耐木上座氣憤不過出來扯碎擲之堂前然後山自山水自水大士自大士普賢自普賢各不相涉依位而住去也何以如此人生相識貴知音水入水兮金博金

1 2 3 4 5 6 7 8 9 10

劉門超鳳請上堂本有風光非男女相外覓遠求
生迷障我今不假繁詞爲汝全提壽量呈拄杖云就
裏驕地透穿便如碧落無雲十虛通暢方知道剪有
剪形刀有刀樣釣魚船上謝三郎原是玄沙老和尚
復舉雲門云若說真如解脫菩提涅槃是燒楓香供
養汝若說佛說祖是燒黃熟香供養汝若說超佛越
祖之談是燒餅香供養汝皈依佛法僧下去愚庵及
云雲門氣宇如王卻作座主見解普慈道若說佛說祖
是解脫菩提涅槃是將黑荳換汝眼睛若說佛說祖
是將木棃子換汝眼睛若說超佛越祖之談是將魚目

換汝眼睛皈依佛法僧下去師云二尊宿隨機演唱
各有所長山僧不敢妄分優劣未免與伊平出若說
真如解脫菩提涅槃是將白飯與汝喫若說佛說祖
是將餉餅與汝喫若說超佛越祖之談是將粟棘蓬
與汝喫皈依佛法僧下去然雖如是三十年後有人
簡點山僧去在

上堂簾捲竹風清窓開花月異不來還憶君相見又
無事遂呵呵大笑云事生了也繡幢影裏分賓主玉
磬聲中闡要玄復云世間所有妙音聲無有能比如
來音水流風動鳥語虫吟是世間音長絃短笛玉磬

100 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

金鐘是世間音且作麼生是如來音有人道得是名親見如來其或未能善護庵打坐弄珠樓揚波我一音法侄日與森羅萬象宣演如來妙音諸人也須眼裏聞聲始得擊拂子下座

舉蓮峰素首座上堂皇崗別我渡江去心緒離離難盡訴屈指於今二入秋道交情誼猶如故梅花百韻風月全彰玉塵一枝綱宗透露孤山室內展佛祖橫縱爪牙九座峰頭植人天清涼大樹斯皆機契昔日正眼無差所以法演將來轉身有路諸仁者要見伊正眼及契機處麼山僧事忙不暇指陳且向堂中問

首座素

俞悅卿生日請上堂僧問如何是文彩未兆以前底消息師云向文彩未兆以前薦取進云惟此一事實餘二則非真師云已是落一落三進云理隨事變物應機投居士初度臨筵和尙有何指示師云杖頭指出小須彌進云面目千年舊甲子一週新師云好語原多同進云因齋慶讚禮之當然應時納祐又且如何師云道過了也進云日出曉雲呈瑞氣花開晚節有餘香師云任汝添彩乃云六十歲以前眉毛列兩邊六十歲以後舌頭原在口政當今年六十歲入凡

10123456789180123456789150123456789

撰述
百房元音卷之二
白房元音卷之二

入聖不減不增佛祖與衆生爲一煩惱與菩提爲一
 乃至鬧市之中四民浩浩并及水流風動鶴噪鳴
 皆與自己爲一譬如明鏡當臺妍媸自現不假計較
 觸處現成山僧到這裏只得因齋慶讚去也居士施
 財山僧施法財法二施等無差別常光赫奕兮已報
 母氏之劬勞瑞氣蒸騰兮能延自己之歲月靈山一
 會儼然存誰道本源猶未徹忽有箇漢云這老和尚
 專常口頭硬似鐵爲什麼輕輕打濕嘴唇便爾軟拖
 拖地只向他云喫人美食談人美事敢問大衆還首
 宵麼喝一喝下座

知浴悟空楊冲懷請上堂結制開爐路從平處險叅
 禪打坐人向靜中忙就中勉強相爲看來似乎不必
 雪峰云三世諸佛在火燄上轉大法輪他是泉州子
 善說泉州話雲門云火燄與三世諸佛說法三世諸
 佛立地聽隨邪逐惡應庵云三世諸佛與火燄說法
 火燄燒殺三世諸佛自己眉毛還在麼明發這裏火
 冷煙銷三世諸佛也無着處只有一橛爛柴頭待汝
 黑地自吹忽然吹得火發方知道說箇爐中無火時
 一團冷燄正騰輝深深撥出星兒現未免翻成節外
 枝卓拄杖下座

冬至上堂羣陰剝盡一陽復亨枯榦花開寒冰燄發
汝且道無根樹子一株還解開花也無叶不應山一
所還會發燄也無無陰陽地一片還有剝復消長也
無若人識此三般物非惟僑尸迦通身富貴抑亦七
賢女滿日光輝其或未能往往時移節換年年髮白
牙疎大司寇坐前兩箇戴石幞頭底開口笑汝諸人
莫言不道復舉法華經偈云止止不須說我法妙難
思諸增上慢者聞必不敬信師云如來在世諸上慢
比丘尚且若此矧末季乎然則山僧今日說說何謂
也藥出金瓶因救病劍離寶匣息囂爭

金山衛俞震宇生日請上堂天寒日短樓誰倚樹瘦
江空人未回幸有俞翁修妙供團園淨侶笑顏開笑
顏旣開如何贊祝今且以金山爲父衛城爲母滄海
長流爲弟昆萬象森羅爲眷屬拄杖子就中默誦真
言倒推花甲不管汝七十三八十四直教耳順心通
證入本來壽量然後滋之以雨露震之以風雷凝之
以雪霜照之以日月使宇內物物各遂其生各安其
性胎蕃育茂果熟枝榮此般贊祝還契得尊意麼良
久云翻身廬破虛空額萬別千差盡坦平
自賢請上堂僧問法鼓如雷人天普集當陽一句請

師舉唱師云梅花初破臘進云泥牛吼處天關轉木馬嘶時地軸搖師云也好箇消息進云只如古人道清淨行者不入涅槃是何意旨師云子差俱坐斷進云破戒比丘不入地獄又作麼生師云渠儂得自由進云謝師答話師噓一噓乃云難難難目前隔箇須彌山卓拄杖云推倒了也易易易信口道來無不是喝一喝云汝且道是箇甚麼山僧非是貶馭古人只要大家知有難中易易中難始得所以道難難莫道難信手推倒須彌山易易莫道易信口道來卻不是除非直下透根源未免隨人亂倒起且根源作麼生

透去復卓拄杖喝一喝下座

佛成道日上堂四門遊駕作瓶化病老之軀半夜踰城桓因捧撻陟之足這一隊漢引誘人家男女向窮崖雪窖中忍凍耐饑不知圖箇甚麼及乎臘八觀星打失鼻孔雖則死地能活千載一時簡點將來翻成禍事山僧與麼批判自信彌天過患合墮拔舌犁耕是汝諸人若云將此深心奉塵刹是則名爲報佛恩也只救得一半

歲旦上堂問文物鵠新海日高輝光祖道乾坤有慶太平端拱樂無爲蕩蕩仁風請師說法師揮拂子進

10123456789180123456789190123456789

撰述
萬葉集卷第十一

十一

云無邊刹境歸王化一曲陽春賀聖明師云人人喜願進云歷然喝下分賓主啐啄機先越祖翁師云今日且放過問寒曆已除曉角吹來新氣象歲華不改萬民齊樂舊乾坤如何是應時一句師云汝也添年我也添進云梅破春風早竿頭消息真師云看汝進步進云只如三聖道我逢人則出出則不爲人意作麼生師云切進云興化道我逢人則不出出則便爲人又且如何師云露進云和尙卽今還有爲人處也無師云一任卜度進云一堂風冷淡千古意分明師云了乃云大哉乾元萬物資始至哉坤元萬物資生

帝王乘乾履坤尊賢重道俾萬物各資始而資生其大與至也夫孰能名之茲者三朝肇建五漏頻催火城分道擁旌旗玉珮齊趨鳴殿閣一團和氣老幼交叅無盡恩光叢林有賴敢問諸仁且作麼生道箇祝聖底句遂堅起拂子云委悉靡美此英莖爰採爰獻聖容映之永壽於萬下座

祈子請上堂舉西天尊者般若多羅識云震旦雖濶無別路要假兒孫腳下行金雞解啣一粒粟供養十方羅漢僧師云般若多羅與麼道爲是如虫禦木耶爲是見在幾先耶姑置勿論今日省泉鄒居士寄粟

飯僧要祈求兒孫以續後祀畢竟有何證驗良久云
二株嫩桂久昌昌不須跨水復逢半下座
解制張君榮請上堂僧問結時風霜布地解時石进
泉飛四海皆春無向背請師酬唱祖師機師以拂子
作吹笛勢進云鳥啼花笑人皆委獅子遊行侶不求
師云未是知音者進云只如獅子未出窟時如何師
云驚天動地進云出窟後如何師云動地驚天進云
出與未出時如何師云照顧性命着進云獅子吼時
芳草綠象王行處落花紅師打云向汝道不信僧一
喝師云遲了八刻乃云如何是結把定咽喉無處出

氣如何是解放開線道任汝優游如何是結中解坐
斷千差路分身百草頭如何是解中結百花叢裏輒
一葉不沾身這箇說話莫道久參上士口似紡車就
使後學初機也解廝漉漉地山僧此者平展去也天
回泰運節過元宵家家月影尙婆娑樹樹銀花燦爛
爛王賓讚慶共登春福之堂士女謳歌默契單傳之道
萬古真燈不昧一會靈山儼然是汝携囊東去西
去不如且住在這裏何故佛法無多予自笑久長難
得耐心人

高鳳林同室張氏請上堂向上一路千聖不傳學者

1701-234567891001-234567891501-234567891

勞形何處摸索事弗獲已向別峰與汝相見便有機
有境立主立賓費盡唇皮通身泥水說箇春到野華
隨岸發秋來黃葉滿空飛其實無他只要當人直下
瞥地去返本還源去踏破化城去歸家穩坐去且政
當此際居士花甲年週又如何贊頌煩杖不扶老益
健團園高踞鳳凰林

結春期守靜知浴同何念常等請上堂爭先角勇鬧
紛紛解了冬期又結春但信是心原是佛更將何法
付何人碧桃醉日鋪千錦弱柳隨風吐萬綸卻恐客
來認作境極相親處不相親喝一喝復舉龐居士頌

云十方同聚會箇箇學無爲此是選佛場心空及第
歸師云鰲頭獨占紅雪飄香選佛場中還他龐老居
士明發此者十方聚會春試場開呈拂子云山僧先
拈箇題目與汝擎展汝能如是見如是去及第心空
也不難其或未然解名盡處是孫山吾兄猶在孫山
外

雪峰亘和尙訏音至上堂僧問法身無相示現有去
來法眼無瑕光明照寂滅敢問雪峰和尙遷化向甚
麼處去師云今古分明進云東家作牛西家作馬風
流固有知音南頭賣貴北頭賣賤行業阿誰着價師

10123456789180123456789150123456789

云大眾證見進云滿地白雲關不住石前流出落花
香師云哀哀進云只如和尚今日舉哀設供還得不
事同條也無師云任汝看取進云象骨峰高常積翠
螺江雲月悉光輝師云禮拜去僧一喝歸衆師乃云
德厚心慈量寬行廣開人天之眼目作衲子之紀綱
在今時中惟我雪峰和尚法兄一人而已山僧昔出
其門自念深恩未報刻銘五內朝夕弗忘不謂去秋
法幢遞隕慧日掩光偶接訃音籲天躰地諸仁者汝
且道雪峰和尚安身在什麼處若道伊不生不滅無
去無來那箇不知若道伊此方緣盡他方顯化阿誰

不會若道只此不知不不會便是雪峰和尚安身處轉
覺沒交涉還委悉麼下座煩兩序大眾同到靈前設
奠燒香普禮三拜

師五旬聖念請上堂夢眼纔開挨過浮生半百腳跟
有據踏翻刹海三千活潑潑圓陀陀八風吹而不動
峭巍巍孤迥迥劫火燒以長存入佛入魔可凡可聖
且道是何人分上事以拄杖作撫琴勢云高山流水
許誰知知音獨憶鍾子期

上堂僧問天上碧桃和露種日邊紅杏倚雲栽還許
攀折也無師云汝試攀折看進云西望瑤池降王母

東來紫氣滿函關。師云閑言長語這裏用不着。進云今日與師親祝壽。橫吹鐵笛賀太平去也。師云笑汝者多問高陞寶座。四衆臨筵佛法當陽。如何施設。師云昨日雨。今日晴。進云當機覲面提覲面。當機疾。不犯好手。更請一接。師默然。僧喝。師云鼓粥飯氣進云。請接。則且置。喻如師遠來慶誕。未審和尚還受慶也。無師云。山僧不受慶。進云恁麼。則似庭前柏樹子去也。師云靈利衲僧。僧禮拜云。作家宗師天然有在。師便打。乃云寫盡千張紙。徒煩心手勞。人情如太華。爭似道情高。演祖與麼道。山僧不與麼道。何故寫盡千

張紙。敢辭心手勞。人情不周匝。爭見道情高。諸仁者要見道情高。麼春雨綿空落。紅滿徑巖法住。不避水泥。自武原城來爲山僧。壽各各赴堂照管匙箸。莫輕觸翻被伊冷地笑。去在便下座。

一雲卽心等。請上堂。問春風陣陣花狼籍。祖意西來。句若何。師云一家有事百家忙。進云威音以前無量壽。未審那箇是同年。師云拄杖子。進云恁麼。則壽比須彌高。萬仞福如東海納百川。師云俗氣不除。進云學人借花獻佛去也。師云不干汝事。乃云有物混成。先天地。生當陽。覲破直下。分明處。土橋邊弄碧波。一

101234567891081123456789150123456789150

棹兩棹宋梅樹畔聽黃鳥四聲五聲通身灑落舉體輕盈說什麼往日來歲戊癸甲庚就透過數年更無數年後也只風光依舊鼻直眉橫且今朝諸山禪德入院設供利己利人一句如何話會呈拂子云三泖綠九峰青烟景寥寥孰與爭拈向大家培壽算心源湧動覺華萌擊香几下座

舉古門汝石首座上堂有千里之馬可以追風有徑寸之珠可以照乘辟淺薄邪流窠白疏從上正脈淵源須是恁麼人方稱恁麼舉今日善政馬峰二長老到來豈可等閒放過霜蹄蹀躞佇看冀北羣空月影

清輝能使崑池價重不是憐兒不覺醜都緣好事大家知忽有傍弗甘云醜已露也說什麼好事也許伊是半箇衲僧

月空請上堂達磨面壁九年雪後始知松柏操可祖中庭斷臂事難方見丈夫心這兩箇漢爲師爲弟有武有文明發者裏不必恁般榜樣但只遇飯喫飯遇茶喫茶也惹得同門出入夙世冤家玉笛橫吹楊樹下春來還撒舊時花復舉楞嚴經云過去諸如來斯門已成就現在諸菩薩今各入圓明未來脩學人當依如是法古德云過去諸如來且居門外現在諸菩

1701-234567891801-234567891901-23456789

薩更莫躊躇未來脩學人快走始得師云山僧則不然過去諸如來好與三十棒現在諸菩薩好與三十棒未來修學人亦好與三十棒爲甚如此一朝權在手看取令行時卓拄杖下座

慧光請上堂僧問承師有言過現未來人好與三十棒未審過在甚麼處師打云汝還不知那僧喝師又打進云劙爲不平離寶匣藥因救病出金瓶師云須領這一頓始得僧連喝歸衆問孔聖五十而知天命和尙五十知箇什麼邊事師云楊花落盡子規啼進云五十年前鼻孔安在何處師云我寄愁心與明月

進云因甚麼今日被某甲穿卻師云闍黎好手進云是何言歟師云退去進云拽去牽來是如何師便打進云老老大大一牽便動師又打僧喝師云多此一喝乃云卽心卽佛名爲誑法非心非佛名爲謗法不是心不是佛不是物坐斷天下人舌頭誑之與謗莫甚于此且道其中還有不涉謗誑者麼驀呈拂子云頂有異峯雲冉冉拂一拂云源無別派水泠泠良久擊香几云遊山未到山窮處終被青山礙眼睛擲拂子下座

福如請上堂牛是一頭犬是一隻尋常話端各有來

1701-1801-1901-2001-2101-2201-2301-2401-2501-2601-2701-2801-2901-3001-3101-3201-3301-3401-3501-3601-3701-3801-3901-4001-4101-4201-4301-4401-4501-4601-4701-4801-4901-5001-5101-5201-5301-5401-5501-5601-5701-5801-5901-6001-6101-6201-6301-6401-6501-6601-6701-6801-6901-7001

歷同田爲富分貝爲貧思量字義亦甚可人山僧今日不打諸方鼓笛且拈出幾箇猜謎與汝等卜度去也有一字唯我獨尊有一字千尋壁立有一字紅粉蛾眉汝若卜度得出許汝明發門下暗合孫吳其或鹵莽依稀要到恁麼時大遠在敢問諸人畢竟是什麼字良久云玉篇裏看取

海鹽縣比丘尼超弘捐貲助刻祈生世世菩提心不退般若智長明者

百癡禪師語錄卷第十一終

百癡禪師語錄卷第十二

嗣法門人超宣等編

松江明發禪院語錄

佛誕上堂僧問汙染卽不得修證則不無既汙染不得何用修證師云逢人不得錯舉進云恁麼則還他肌骨好不塗紅粉也風流師云逢人不得錯舉乃云天上天下惟我獨尊攔頭一語逼塞乾坤攬亂三千大千世界若男若女若長若幼上天無路入地無門韶陽拈棒打殺琅琊知恩報恩總在箇裏隨波逐浪移動腳跟山彌高而海彌昏直至於今誰能見本源

10123456789180123456789150123456789

要見伊本源端的處麼娘胎未入以前事月浸水壺
夜不痕

寶嚴送紅衣請上堂裁蜀錦剪吳綾一片霞光紅簇
簇間黃金環白玉通身富貴艷重重從法王寶座上
拈來實渠儂信心中流出元辰初度我若添籌汝也
添龍象改觀幾回抖擻幾回快快則且置只如大庾
嶺頭提不起時與今日因緣還有異同也無把手莫
將容易得惟人自官乃方親

居士李修林同孺人王氏禱嗣請上堂僧問佛身充
滿於法界普現一切羣生前求男女者得男女求富

貴者得富貴今日齋主虔誠如何垂示師云半夜石
麟天上至進云慈氏善財無門不現祥麟瑞鳳是處
皆棲時如何師云不須摩頂試啼聲進云懷胎石女
風前舞叶夢神珠掌上擎師云任汝重說偈言乃云
馬大師出八十四員善知識箇箇如鳳如龍可謂多
多益善也船子和尚三十年華亭垂釣始遇夾山衆
角雖多一箇足矣從上求法嗣者有難易多寡之不
同大槩如此今之求子嗣者不猶是乎只要當人仁
慈爲心寬厚爲本時時勤禱祝在在積良因便見多
子塔前象獅蹴踏黃梅室內燈鏡交輝可以不紹先

1234567891001234567891501234567891

猷可以克昌後裔可以享無窮之寶藏可以圓不了之勝緣政當此際大家贊慶一句作麼生道半夜石麟天上至何須摩頂試啼聲

宗明請上堂我若廣說世諦汝便向世諦處相見要且山僧不住在世諦處我若別談玄妙汝便向玄妙處揣摩要且山僧不住在玄妙處我若神出鬼沒七縱八橫汝便向神出鬼沒處摸索要且山僧不住在神出鬼沒處既總不與麼畢竟向甚處與山僧相見驀豎拂云世諦通也玄妙透也神出鬼沒一齊打進也有利無利不離行市放過一着落在第二下座

謝明覺長老齋上堂僧問海會龍吟一派黃河清徹
窟瓈林獅吼千齡華嶽秀連天爲復是法乳恩深爲復是子承父蔭師云任汝鑽龜打瓦進云樂天者保天下畏天者保其國以坐具打圓相云這箇如何慶讚師云此心心外更無心進云如是則法隨法行法幢隨處建立師云與汝何干僧喝師便打乃云國清才子貴家富小兒嬌大家出隻手彼此不相饒如何是出隻手窟意海會寺設齋明發院打鼓鰲奴白牯俱登堂飯桶鉢匙齊起舞良久云阿呵呵舉頭天外看誰是我般人便下座

本鎮衆居士請上堂這漢如何少福緣瞞人瞞地復瞞天五旬徒自疲心力說向檀那不值錢既不值錢祝他何用然雖如是我錯伊不錯良久云錯與不錯一總拈卻華樹重重水雲漠漠夜半鯨鐘吼似雷駛兒疑是彈星落喝一喝復舉真淨和尚云洞山門下要行便行要坐便坐鉢盂裏屙屎淨瓶裏吐唾執法修行如牛拽磨師云明發門下要行不許行要坐不許坐鉢盂裏不許屙屎淨瓶裏不許吐唾執法修行如水推磨忽有箇漢云真淨接上上機和尚曲爲中下咄是什麼所在容汝恁麼說以拄杖約云速退速

退便下座

盛顯卿等請上堂落花千點隨流水啼鳥一聲送夕陽碧眼胡僧無計較九年面壁暗思量汝且道思量箇甚麼莫是梁廷不契機麼莫是單傳直指之道未行麼莫是此土信根未熟紹隆不得其人麼似卽總似是則未是這裏見得分明般若多羅正印任汝東搭西拋其或未然要見碧眼老胡僧何止迢迢十萬里

自慧行富請上堂僧問壽筵洞啟鳳舞羽以呈祥形氣環流龜負圖而益算只如南極老人到來與無量

10123456789180123456789160123456789

換述

壽佛作麼生相見師云莫遁相塗污好進云恁麼則人人眉宇已增新彩色慈容猶展舊風流師云更須抖擻眼中塵乃云文宣王五十而知天命蘧大夫五十而知四十九年之非山僧到這裏又且如何伎倆沒星兒鬚毛蓋耳朵只貪歲月閒不願私合夥知非知命兩茫然薄粥療饑自可可君不聞淡中滋味長酸梨那換頻婆果

上堂舉趙州示衆云佛之一字吾不喜聞幻庵覺云諸人切忌恁麼會既不恁麼會合作麼生會乃頌云佛之一字不喜聞去年依舊今年春今年春間降大

雪陸墓烏盆變白盆師云山僧則不然佛之一字吾不喜聞諸人直須恁麼會若不恁麼會又向甚處見趙州試聽一頌佛之一字不喜聞滿天星斗亂紛紛趙州老有安邦策手握金鞭賀聖君

生日馬闍然同衆請上堂淵首座問椿庭日永佇看南極流輝壽域天開仰聽東華注算今之大誕敢祝遐齡未審師意若何師云通身是徧身是進云優曇花現三千歲此日優曇喜見開師云直饒恁麼來也是無端特地進云大哉無量壽慈示九峰前師云速禮三拜進云不是渠儂恣賣弄乾坤總屬我家春師

180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

云又是一重公案進云沒絃琴奏長生曲引得仙籬
下九霄師云要汝大家齊出手問梁峰九十九尖尖
尖挿漢與師壽量孰高師云也不爭多進云鹿溪九
十九曲曲朝宗與師壽量孰遠師云也不爭多進
云只如虛空爲口須彌爲舌虛人許伊慶讚也無師
云又且何妨進云慶讚已竟大衆證明便禮拜師云
投桃報李理之必然遂與一棒乃云祝壽不用他說
只就拂子頭上輕輕點出便見瀰漫天地照耀古今
凡聖同源我人一致青巒舉首年年發不盡之春白
鳥卽花物物顯無私之用所以道滴水福滄海微塵

壽泰山豁開正法眼萬古利那間敢問大衆拂子有
何神力得與麼優游自在會麼幾度賣來誰着價且
憑倒卓挂繩牀復云衆角雖多不如一麟衆翼雖多
不如一鳳若是駕險凌空奔踶敵勝還他天馬始得
今者鳳麟畢集天馬又來山僧權將目前一坐具地
分作四大部洲令其跳躍奔騰各各神閒意適中間
所有草木叢林蠻飛蠕動燈籠露柱羅漢夜叉或修
不盡善因或造無邊惡業悉皆消融不相妨礙政當
此際下水船一曲如何演唱良久云五祖道底
解制上堂僧問薰風自南來殿閣生微涼明箇什麼

10123456789180123456789160123456789

邊事師云脫體了無依進云學人今日小出大遇也
 師云只得一半進云據虎頭收虎尾不無和尚卷舒
 觀露機鋒如同電拂又作麼生師云與汝二十棒進
 云出羣須是英靈漢敵勝還他天馬駒師云大衆識
 汝僧一喝歸衆師乃云日長機有餘夜短睡不足熟
 汗急淋淋蚊虫相齧鏃大家搖扇取風涼何用無繩
 而自縛所以諸方此日結制安居明發這裏解開布
 袋雖則時節偶然要且手腳便快便快則不無只如
 適纔藏主恁麼問山僧恁麼答畢竟明箇什麼邊事
 驢腮馬腳重重露引得傍觀笑語高

因換架樑舉隱野首座上堂鋤雲種月還他赤手生
 涯脫柱換梁須讓作家匠首閒居獨善處衆爲人總
 不外此風光隨時施設規繩合轍綱領均條吾道藉
 以增輝法門得其倚賴且道是阿誰分上事舉拂子
 云撥開野岸腥臊起隱隱峰頭露黑斑

尼瑩潤法孫請上堂祖禰不了殃及兒孫阿難倒迦
 葉門前刹竿黃檗大師聞舉一喝耳聾而吐舌這兩
 箇漢青天白日著鬼迷有什麼限明發幸然無星子
 事且喜撐門挂戶代代各有其人何以見得人從角
 直來依舊角直去

150 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

度僧上堂三界無安猶如火宅衆苦充滿甚可怖畏
迷戀不已永劫遭焚蕩忽夢回千生解脫所以仰齋
朱居士就最難割捨處起怖畏心於無可迷戀中求
解脫地當堂剗草融三毒而唱三皈入座披衣淨五
塵而修五戒蓋善根之薰習已久故信向之正念彌
堅然雖如是莫謂此行事盡頭須知事乃從頭起從
頭起呈拄杖云且看這個是什麼道理復卓一卓下
座

上堂金藥叢叢帶露新采采烹茗賞佳辰浮杯何必
須宜酒但有清香自醉人開福云白雲老人大似巧

媳婦做出無麵飴飪惜乎知味者少開福效顰亦有
一偈重陽黃菊未成花落帽無勞憶孟嘉但得青山
長在眼不妨流水去無涯明發此者不敢效顰只要
應箇時節菊迎重九滿籬金恰值諸檀入鶯林香飯
擎來供一飽誰云隔地少知音

上堂大雄白額虎南山鼈鼻蛇禪和如撞著似抵惡
冤家一脚踏長尾雙拳拔利牙進前輕擬議性命委
泥沙

度亦悟爲僧上堂在家不若出家好幾箇肯脩好到
老老到頭來能自脩聲聲悔不出家早然出家何事

所慕出家者何心直須擺脫一切塵勞業網打辦一副久遠肝腸抖擻舊精神奮發新志願向佛祖行說不到處踏著本地風光於我衲僧門下方有少分相應所以道一不做二不休一拳拳倒黃鶴樓一踢踢翻鸚鵡洲有意氣時添意氣不風流處亦風流喝一喝舉呂巖真人因黃龍機禪師詰問云半升鑄內煮山川則不問如何是一粒粟中藏世界呂於言下契悟作偈云棄却瓢囊搣碎琴如今不戀汞中金自從一見黃龍後始覺從前錯用心師云飛劔脅黃龍何等丈夫氣槩及乎輕輕一撥生平伎倆便爾瓦解冰

消呂翁可謂大根大器英特過人者矣公美夏居士感夢示而此日爲僧其良緣固有在也政當此際如何是一粒粟中藏世界是汝亦就這裡悟去要見二大老漢也不難

歲旦上堂僧問玉曆已頒新歲月春風不改舊山河如何是祝聖一句師云殿上風雲會壺中日月長進云恁麼則垂裳致治尊堯典野老謳歌樂太平師云大家共聲此時心問海底泥牛銜月走早已坐斷木人機因甚鏡清道新年頭佛法有師云莫錯聽鏡清好進云經行及坐卧常在於其中因甚明教道新年

1701-1801-1901-2001-2101-2201-2301-2401-2501-2601-2701-2801-2901-3001-3101-3201-3301-3401-3501-3601-3701-3801-3901-4001

撰述

頭佛法無師云亦莫錯聽明教好進云和尚卽今是有佛法無佛法師云任汝摸索進云恁麼則機輪轉處作者方知也師云逢人但恁麼舉乃云新年頭佛法有鳥鴉亂噪籬邊柳新年頭佛法無懶買朱砂画呪符亦不無亦不有切忌隨人語脈走無中有有中無截海還他大丈夫山僧今日擊鼓陞堂這些絡索置之一邊且畢竟說箇甚麼卽得良久云孟春猶寒伏惟首座大衆尊體萬福

梅友竹請上堂一季十二箇月月月有箇初八今朝迺其最初霜風依舊凜冽居士請我陞堂臨時打點

不徹未免喚六作三兼且隨圓補缺大衆還知山僧爲人處麼兩樹玉梅自王張數聲啼鳥關情切只如伊耳順之期又將何以慶頌屋後琅玕意可人青青長抱歲寒節卓拄杖下座

上堂視之不見名曰夷聽之不聞名曰希若是山僧手中拂子提起便見擊著便聞名曰拂子得麼名曰拂子則觸不名曰拂子則背李伯陽先生騎青牛入汝鼻孔又走出僧堂前爲汝報謝曰春日融和春色明媚諸人起居各各輕利卽心上座打供結緣燈後欲徃燕都去路無艱危身無險畏更有一雲上座和

其光同其塵互相佐助山僧隨例得些漿水錢聞得此言喜而不寐然雖如是要且無祖師意如何是祖師意桃花雨過亂飛紅夾岸馬蹄何處避擲下拂子云具眼禪流一任窺覦

蓮根等請上堂僧問佛法紀綱優曇花應時輒現人天號令吹毛鍼遇物卽揮政當緇素瞻依和尙如何相爲師云今晨好雨進云只此一句時人知有腦後新機請師更資一路師云六耳不同謀僧喝師云再喝看進云不勞再勘師打云放過未可在乃云銀花爛熳長春地玉鏡飛擰不夜天來徃紛紛謌且舞誰

人肯惜繫腰錢大衆似恁般快樂時候美則美矣忽若遇今晨風飄雨灑月暗燈收又作麼生消遣所以道天上月有圓缺世間燈有晦明相逢幾許不如意兩道眉毛愁霧生山僧此者淨絮打疊去也以拂子○云只此月是心月心原不屬圓缺復以拂子○云只此燈是心燈心燈原不隔晦明大千普耀無藏覆凡聖同由一路行一路行孰與爭如龍得水添意氣爪牙頭角自崢嶸

上堂僧問截鐵斬釘埋他先聖和泥合水恐負後昆去此二端如何施設師云寰中天子勅進云恁麼則

不但安貼家邦亦乃把定世界師云塞外將軍令進
云若不得流水多應過別山師打云汝且喫棒僧一
喝禮拜師乃云荷教扶宗須具金剛眼目立身應世
全憑生鐵骨頭有生鐵骨頭平地上不被綏裹麻纏
聽人處分具金剛眼目棘林中一任橫來豎去盡力
踏翻山僧因竹菴法孫到山未免借便風使帆普令
衆人知有何以故綠園種竹抽長筍羸得新梢節節
高

因雪上堂但參活句莫參死句雲門餉餅趙州無是
死句楊岐驢子鴻山牛也是死句且作麼生是活句
子怕寒休外走燒鑪各自展茶杯

俞瑞林請上堂僧問昔日臨濟問龍光云不展鋒鎔
如何得勝龍光據坐意旨如何師云覲面相呈無向
背進云臨濟道大善知識豈無方便龍光瞪目文作
麼生師云逐浪隨風進云恁麼則易棲無影樹花發
不萌枝也師云汝分上作麼生僧擬議師便喝乃云
望州亭相見了也易石嶺相見了也發揮空劫以前
事無如此語著明白是當人蹉過山僧此者更資一
路卓拄杖云處士橋邊雲冉冉牧童橫笛倒丁吹

覲周徐孝廉預慶八旬請上堂僧問璜溪靄靄祥雲
起台旆光臨繞法筵政當此時如何是永祝遐齡一
句師云瑤池桃競熟海屋又籌添進云但喜優曇時
一現吉人應慶固無涯師云人人共知進云只如覲
翁居士佛教儒宗全身負荷未審和尚如何相接師
云兩眼對兩眼進云可謂一曲鈞天雲外奏知音格
外盡瞻聞師云賴汝流傳乃云佛法通世法應用多
方活潑護法兼嗣法杖藜獨步乾坤濶是凡足聖
進前來驀面一拳都打殺到這裏釋迦彌勒也立下
風臨濟德山退身有分說箇消災懺罪可如片雪擲

爐中要見得壽延生已是千華鋪錦上山僧此者無
別指陳記得昔日郭功甫居士得法白雲後到五祖
請陞座拈香云這一瓣香供養我堂頭法兄禪師伏
願於方廣座上擘開面門放出先師形相與他諸人
描邈何以如此白雲巖畔舊相逢往日今朝事不同
夜靜水寒魚不食一爐香散白蓮峯功甫是箇當代
名儒略觸些少腥臊便解恁麼賣弄試問覲翁居士
還肯與麼出手也無出手且置看看山僧放出老人
形相與諸人描邈去也舉拂子云委悉麼法乳均霑
無異味兄呼弟應古今傳復有一偈少伸贊祝黃鐘

100123456789180123456789150123456789

律應慶芳辰氣象年來分外新偕老堂前人不老五倫位上各全倫移舟匪憶松鱸味入座還憑就嶺春爲報蒼頭燃寶篆仰祈眉壽碧嶙峋

一音法姪全徒皓月請上堂鐵磨參鴻山不循禮法俱眠逢實際大挫英風明發門下鎗旗別展任是佛來祖來無伊措足之地音公法姪敢領衆衝突重圍雖然正眼圓明亦有許多膽大且今年花甲方週如何稱賞卓拄杖云擊碎蟠桃核處處皆仁揮拂子云

將斷驪龍鬚頭頭是寶呼豐干寒拾爲龜下之奴拈丈六金身作一莖之草壽山財劣如皓月以當空珊

瑚樹林映紅日而杲杲紅杲杲汝若輕安我也好
佛誕陸茂生謝九源等請上堂迦文降誕藥因救病
出金瓶偃老垂機劖爲不平離寶匣簡點則彼此敗
闕放過則二俱作家只如陸謝二居士助鏡臺張翁
入山受戒是救病藥耶是離匣劖耶良久云蓮生火
裏花開茂信在洞源好弟兄復云如何是佛泥塑木
雕如何是佛乾屎橛如何是佛三脚驢子弄蹄行這
箇說話汝道那一句是若道前一句是後一句作麼
生若道後一句是中一句作麼生明發還有爲人處
也無卓拄杖云婆斯私吒落水中畢竟心肝掛樹上

爲福嚴老和尚舉哀云口吞佛祖眼蓋諸方摧邪覲
正氣宇堂皇我先師和尚三十餘年烈烈轟轟慣行
此令逗到末後一著依舊輝天鑑地叢席有光如是
則先師雖示寂滅相而實未嘗寂滅旣未嘗寂滅今
日又世諦流布作甚麼豈不見道恩深德厚難酬報
刺骨鏤肝寧敢忘良久云是汝諸人還見先師也無
遂燒香

空如生日請上堂僧問麗日中天映福波而彌溢喬
松卓地聳壽嶽以嶙峋此是當人本有瑞徵如何是
和尚更祝一句師云闍黎滿口道了也教山僧更祝
箇甚麼進云將花錦上添不妨重增彩師云又太多
生進云莫怪相逢多意氣只緣曾謁聖明君師云自
已腳跟下擣僧一喝歸位師乃云六十年前一句子
道過了也六十年後一句子且緩緩著政當今年六
十夜暗晝明春歸夏至啼禽驚午夢垂柳繫長堤這
一句子何嘗有覆藏何嘗有隔礙所貴當人時時返
照念念迴光忽若頂頓眼開自然七通八達山僧舉
揚已竟可稱得壽意麼揮拂子云谷水秦峰爭拱萃
滿頭白雪愈峻嶒

亦悟薦祖請上堂見聞覺知俱爲生死之因見聞覺

知正是解脫之本鐘鳴鼓響風動雲行玉皇塘與斜
涇比隣處士橋與山門相對諸人在這裏上來下去
總見總聞總覺總知爲復是生死因耶爲復是解脫
本耶還有人辨得麼若也辨得長連床上展鉢開單
若辨不得且分付與夏門亡過三位尊靈當前薦取
只如薦取後如何統亂天華飛不盡十方佛國任奔
騰

師生日龍門浜金耀南祈子請上堂僧問花明柳媚
當師慈納美之辰麟現鳳來迺居士胤祥之際政恁
麼時如何是功位全彰一句師云雲從龍風從虎進
云一點水墨兩處成龍去也師云寒山附掌拾得呵
呵進云好事大家知師云知底事作麼生進云古榦
春回抽玉葉金鱗任運躍龍門師打云賞汝說好話
僧喝師云只得一喝乃云作家手眼最希奇收放雙
行不易知若是龍生金鳳子自然衝破碧琉璃所以
百丈鼻梁擣得痛人前解笑笑啼啼臨濟棒頭喫得
頑歸來便轟轟烈烈厥後師資授受代代相承蕃衍
東南門庭烜耀其爲利益可勝言哉且施主禱嗣一
句如何敷演脩德果能無滲漏長庚入夢莫嫌遲復
舉大梅常禪師因僧問和尙見馬祖得箇甚便住此

180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

山常云卽心卽佛僧云馬祖近日佛法別又道非心
非佛常云這老漢惑亂天下人未有了日任他非心
非佛我祇管卽心卽佛僧歸舉似馬祖祖云梅子熟
也師云馬祖機輪互轉爭奈大梅中心樹子不動諸
人要見梅子熟麼良久呈拂子云青青垂彈一枝枝
記取今年四月時

普賢請上堂僧問如何是壽者相師云荷衣侵獄色
進云此乃現成如何是壽者相師云竹杖染溪雲進
云錦上添花去也師云切莫世諦流布問虛空還有
壽祝也無師云莫向虛空邊覓進云恁麼則法王壽

量等虛空更勝千年不老松師云猶是邊覓虛空在
進云當陽一句無私祝大地山河盡點頭師便打進
云機前進語非容易棒下翻身更不難師云猶嫌少
那乃云梅杏梢頭半染黃綠車聲急水車忙生前一
句畱今古不用頭陀爲舉揚到這裡說個有壽可慶
大似好肉剜瘡更說箇無壽可慶未免業識茫茫何
如坐綠楊下倚短籬傍有無兩不立隨分度時光任
他城南城北天華墜我只道也是平常既是平常今
日又特地作甚麼良久云多謝武原湛上座却於雪
上復加霜

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

禱雨上座僧問火雲漱灑赫日長經南州北縣鼓響
鑼鳴未審哀求何物師以拂子作灑雨勢進云忽遇
倒獄傾湫又作麼生師云農者歌土者舞進云恁麼
則慈雲普覆三千界法雨均霑億萬州師云已後莫
相辜負乃云萬里無片雲青天也須喫棒好這一棒
不妨應節應時若據今日看來自是同人業緣所感
更說什麼喫棒不喫棒耶佛言但有國士欲祈雨者
應供養三寶誦持神咒天不降雨無有是處政當此
際大家竭誠禱祝一句如何話會擊拂子云娑囉娑
囉悉唎悉唎願將倒鴻銀河水慰解望霓四海民擲

拂子下座

宗明生日請上堂師適有病乃勉強陞座云山僧數
日方丈內寒一上熟一上求生不得求不生不得直
至如今未見寧息似恁麼自救尚且不了敢飾虛言
爲人壽耶然而本來壽量當人該具不須外覓遠求
立地返觀便是呈拄杖云這個是汝本來底壽量汝
若返觀得去五十年前空明水碧五十年後水碧空
明政當今年五十見性無別自在騰騰福源如涌溢
壽嶽亦彌增卓一卓云更須就裏翻身轉拶透宗門
最上層

撰述

居士錢江聲同室劉氏懺經請上堂依經解義三世
佛冤離經一字卽同魔說明發門下不解義不離經
只分付諸人預先誦去誦到五千四十八文文不漏
卷卷圓成十二藥叉同聲護衛八大菩薩合掌贊揚
直教今日設齋施主無災無害而病障消鎔且壽且
康而福慧具足此何以故藥師瑠璃光如來本願功
德原如是也政當此際續命燈旛畢竟懸在何處舉
拂子云剔起四山齊晃耀勝於七七演陀羅

孝子黃廷輔薦親請上堂佛身充法界何處更有衆
生罪性如虛空何地更容懺悔到這裏釋迦彌勒飲

氣吞聲文殊普賢藏頭縮手敢問過去舍可黃公與
吳氏孺人還信得及麼若也信得及去不妨倒跨齊
雲山吸乾三泖水直上兜率陀宮與諸仁者指白牯
爲婆伽荷葉團團似鏡配鰲奴爲露柱菱角尖尖
尖似錐泥融物我以無遺超越去來而無作歷劫冤
親當前解脫多生罪垢直下消除是事且置只如茲
者節屆中元梁皇懺啟燈旛羅列玉軸橫披又作麼
生說個條薦底道理卓拄杖云玉宇秋高雲外望寶
華座現古優曇

荆山薦友請上堂生爲金陵僧雲遊法忍寺忽朝發

1701-234567891801-234567891901-23456789

撰述

毒瘡三日便歸去去去無尋處六年道友弗忘情請我終齋說本據且如何是本據面門出入露通紅拶著渾身滴爛膿端的箇中清淨意令人長憶謝家翁還識謝家翁麼呈拄杖云直下來也回首望笙歌原在画橋東

海鹽縣比丘尼超弘捐貲助刻所生世世菩提心不退般若智長明者

良天禪人
彙春遷文林普賀難與辭手難問難去舍西黃公興

百癡禪師語錄卷第十三

嗣法門人超宣等編

福建興化蓮山國懼崇福禪寺語錄

順治辛丑冬師在黃檗山受請於十一月初二日入院指山門云百千法門只此一門而入信脚行信口道有什麼隔礙披蓑月下垂綸線忍待擎頭戴角人佛殿云西方大聖人原來卽是汝衆衆口饒譖覺華生碓嘴良久云何如得已而已

伽藍堂行船看把舵使牛頰扶犁今日船牛俱到汝推我不得我也推汝不得

100-123456789180-123456789150-123456789

祖師堂竿木隨身逢場作戲一齣曲調被者隊漢攬
先演唱了也新國懽未免改換徽聲重翻板拍何故
近日華樣不同

方丈十笏橫縱容萬千獅子座一弓高架射半箇克
家兒從上以來具大作用底車載斗量難以盡數山
僧此際豈少也耶烹佛烹祖惡鉗錘拈提八面白光
輝卓拄杖據坐

拈請啟此是黃姓檀樾主筆尖上放出無盡底寶光
光光交羅逼塞面門直得手眼通身一時回避弗及
且道其中意作麼生好事大家知煩維那對衆朗誦

合山疏祖禱不了累及兒孫兒孫不了殃及祖禱要
明箇裏端倪再請從頭讀過

指法座坐斷毘盧頂不禮須彌燈只可聞名未曾見
面諸人要見面麼看山僧步步登高去也

拈香這瓣香端爲

今上皇帝祝延萬壽伏願巍巍聖德乾坤大永永皇
圖日月長這瓣香奉爲闔郡尊官本山檀護伏願以
義以仁爲民父母不偏不易佐我金湯這瓣香早知
將錯就錯便爾隨流入流次第八回拈出端爲嘉興
福嚴堂上本師費隱容先和尚使穿過鼻孔底衲僧

知木有本水有源報德酬恩理合如是上首白梃云
法筵龍象衆當觀第一義師云第一義第二義正眼
觀來都不是莫有善觀底向未白梃以前通箇消息
者麼僧問如何是三界內人師云山僧亦在其數進
云雖然如是某甲終不作女人拜繞師三匝師云汝
畢竟作麼生僧便喝師云今日且放過乃云梁唐盛
紹矩老道場歷代雲仍薪傳不斷古樹陰森藏白鸞
滿園香撒荔枝紅擅千載之佳名成一方之勝境徃
歲山僧曾駐足禮樂雍雍今朝倚杖又重臨主賓穆
穆高懸慧日人人頓悟本來人剔起心燈法法相通

無別法同闡單傳之旨共登崇福之基蓮苑流芳靈
山會儼然未散獅王現瑞涅槃路八字打開政當此
際闔國歡喜則不無汝且道山僧額下眉毛還在麼
良久云慚愧老年沒意智逢人猶自強支吾復舉後
唐莊宗皇帝問興化獎遠祖云朕收中原得一寶未
曾有人酬價化云請陛下寶看帝以兩手舒幞頭腳
化云君王之寶誰敢酬價師云龍蟠鳳翥大用全彰
海晏河清天威不犯好手二俱好手作家始終作家
敢問諸人還知此寶落處麼若也未知試聽一頌君
王之寶價難酬凜凜威風蓋九州覲面若無宗正眼

180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

爭知此老足機籌喝一喝下座

開爐林杜則居士請上堂師云當爐不避火久戰作家冷竈解添柴知音勝士若要融通互見何妨出衆舉揚僧問龍行雨至水到渠成是如何師云山僧到院纔五日乃云欲爲世間第一等人須爲世間第一等事欲明出世間第一等事須待出世間第一等人而今第一等人總在這裏且第一等事作麼生鉗鎚在握烈燄騰空鈍鐵精金悉從煅鍊煅得過底隨他禿毫半寸可作百萬甲兵煅不過底縱使退步三千亦解衝圍直入雖然此猶是方便對機之談更須識

有一條活路始得大衆還識這一條活路麼如未山僧不吝腕頭力爲汝等開荒去也便拈拄杖下座打散

請蓮峰無依二首座秉拂上堂僧問龍驤虎踞是如何師云驚殺闍黎進云只如臨濟兩堂首座同時下喝又作麼生師云有耳者辨取進云恁麼則一條拄杖兩人扶師打云汝且喫一頓著進云謝師指示師云還要那問未出方丈已登寶座覲面相呈有何言句師云綠樹重陰蓋四隣進云當機覲面提覲面當機疾師打云是什麼意旨進云杲日當空照師云蹉

180 123456789150 123456789

換述

四

過也乃云瞎驢種草天然別潦倒山翁驀鼻牽大地
踏翻無寸土歸來仍卧綠苔前於斯時也直得涵江
水碧壺嶠霞蒸不必竈產青蓮處處顯無窮瑞應一
任着懸寶劍人人露本有風光輔弼叢林發揮祖道
則固是只如正法眼藏因甚瞎驢邊滅卻諸仁若要
辨根由問取堂中二首座

舉昱權千指月川非光爲西堂偉庵爲後堂上堂舉
一不得舉二放過一著落在第二國權門下卻又不然
一二三四五歷歷從頭舉大施法門開清風來未
已織成古錦含有象之乾坤放下藤條奏無生之律

呂所以道譬如琴瑟箜篌琵琶雖有妙音若無妙指
終不能發阿呵呵年老心孤予自笑衝樓手段看施
呈遂左右顧視云諸人還首肯也無卓拄杖下座

南山重睂禪師黃檠慧門禪師請上堂僧問門內有
君子門外君子至今日君子已至和尚如何相爲師
云一曲風前合調歛進云等閒突出超方眼磕著南
山動北山師云人前一任舉似問兩鏡相照時如何
師云瞞汝不得進云恁麼則耀古騰今去也師打云
且打破來相見問如何是主中主師云大坐當軒誰
敢禦如何是賓中賓師云緊束艸鞋跟如何是主中

970123456789180123456789150123456789

賓師云合水和泥笑殺人如何是賓中主師云拄杖自看取進云賓主分明蒙指示如何是靈光獨耀師便打問一大藏教祇說這箇且道這箇是什麼師舉拂子進云只如洞山道箇之字作麼生師云莫被他謾好進云信受奉行去也師云難得乃云黃檗坐頤公之席賣弄風騷南山揜籠鼻之蛇全彰意氣這幾箇漢雖則扶豎宗乘縱奪可觀簡點將來未免有是有非有利有害今日蒙二法姪入寺設供山僧且不望如是施張只要主賓一致物我雙忘猶子情深法門誼重唱雲間之妙曲彈格外之清絃使霞潭水與有知音擊節者庶以拂子敲香爐下座

九龍淵比流紫薇峰與懽喜山對峙如斯體裁方爲盡善盡美所以道一番相見一番親總是凌霄會上人海國搖光紅日近寵華仍產舊枝春敢問衆中莫有知音擊節者庶以拂子敲香爐下座

紫霄無依法姪同諸信官請上堂僧問古人三十年前爲什麼射得半箇聖人師云只爲用力太遲進云三十年後如何射得師云不干閻黎事進云不是苦心人不知師打云看箭進云從前汗馬無人識只要重論蓋代功師云速退速退乃云法席虛懸千載載而今正令又重新經文緯武無他事祇要當人契本

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70

撰述

卷之三

九

人本人既契也則步步踏佛階梯頭頭入祖信位有時同向紫霄峰頂撐動石航而不異和泥合水有時同向涵江水底撈撈明月而不礙壁立千尋壁立千尋時雖示人不得近傍要且不相違背和泥合水處雖示人不相違背要且不得近傍忽然拄杖子突出頭來呵呵大笑云和尚恁麼舉揚可謂橫該豎抹爭奈離我這裏不得山僧直得寂默無言慚懶而退何故將軍自有嘉聲在然雖如是還識仁者壽麼卓拄杖下座

彌陀生日彌陀巖念華等請上堂僧問彌陀主人禮

彌陀設齋一句是如何師云諸上善人俱會一處進云雖然如是何不向自己彌陀師云汝且自己會取好問既是無量壽佛因甚今日降誕師云藏他不得乃云西方去此不遠彌陀就在目前汝若執心狂覓迢迢十萬八千且如何是目前不遠底意豈拂云彌陀來也在山僧拂子頭上現光明雲出廣長舌爲諸人普示念佛法門還見麼還聞麼若也見得精詳聞得透脫彌陀今日生辰卽汝生辰彌陀所住國土卽汝國土禽魚艸樹無一物不揚解脫之音池沼樓臺無一境不露真嘗之相分甚穢那淨界更何苦樂差

殊政當此際諸上善人俱會一處則不問只如古者道念佛一聲漱口三日又作麼生消釋擊拂子云古路動容不墮悄下語須憑念法華

曹山千指西堂等請上堂僧問世尊不說迦葉不聞不聞不說意旨如何師云聾人應得知進云既然如是因甚正法眼藏向暗驢邊滅卻師云大家吹滅暗中行進云今日西堂師請法一句又作麼生師云大眾證明了也進云一段無腔曲聲高調轉新師云子期原是舊相識問獅子窟中無異獸如何是獅子窟師云逼塞乾坤進云象王行處絕孤蹤如何是象王

行師打云還識伊鼻孔麼僧繞一匝歸位師乃云廬陵米釀曹山酒解飲寧辭八九斗十字街頭顛倒顛逢人便作金獅吼金獅乍吼逼塞乾坤羣獸潛蹤千差坐斷於其中間畧通一線路便有許多隨機示現就位拈提多寡全該高低普應譬如春回大地月印千江自然物物上明頭頭上顯敢問大眾前恁麼爲人是後恁麼爲人是良久云但得此中無滯礙縱橫何處不風光

雙峰月川西堂同信官賀傑菴等請上堂菴問如何是佛法大意師云兩叢荔樹當堵立如何是佛法的

的事師云八字眉毛靚面橫如何是我我者師舉拂
云見麼進云這箇是我我者師我何在師放下拂子
菴禮退問面前過者知他是凡聖師云與他一頓
棒進云背後過者作麼生驗師云亦與他一頓棒進
云不入驚人浪爭逢稱意魚師云汝猶嫌少那乃云
化鯉成龍易陶凡作聖難難易兩關都打透高名千
古重如山孔夫子云吾道一以貫之世尊云惟此一
事實餘二則非真老子云聖人抱一爲天下式敢問
大衆喚什麼作一抑三教聖人所言之一是同耶不
同耶若謂是同爲甚門戶各別若謂不同爲甚語無

兩般自非堂堂傑出毫髮不受人瞞底漢到這裏未
免滯殼迷封互相陵拔且道誰是不受瞞者還委悉
麼月照雙峰景色清主中主也意分明回思張拙當
年話凡聖都來共路行揮拂子下座

楚僧良素請上堂僧問如何是百千諸佛師云頭頂
天如何是無心道人師云腳踏地進云既然如是因
甚供養百千諸佛不如供養一無心道人師云逢人
切莫錯舉問放下屠刀立地成佛是如何師云須是
鐵漢始得乃云支筇踏訪舊山家屋角梅鋪三五華
借問箇中誰辨我石人閒立口吧吧還見麼還聞麼

1012345678918012345678916012345678

汝若不見不聞卻成辜負汝若總見總聞且道他說箇甚麼汝若道無見之見無聞之聞猶是座主奴兒解汝若道見而無見聞而無聞二十棒一棒也少不得英靈漢子俊俏禪和必須打破牢籠揭開正眼如象王擺脫金鎖直撞橫行獐龍奮迅九霄興雲布霧方能於法自在拔萃超羣政當恁麼時千里同風一句如何話會卓拄杖云黃鶴樓經崔顥題天下何人不相識

西明寺若海法孫請上堂一大藏教浪湧潮翻千百葛藤溪分澗積源從何起各宜疏通得其指歸異流

不溷所以山僧三十年來竭盡胼胝之勞打開一條水路迨至於今鈍鑊尙忙未忍釋偶逢點滴也興波雖然此猶是對家裏人說家裏話只如東隣石塔夜半撞倒虛空被門前金剛神喝退卻走入蟭螟眼睫上躲跟畢竟明什麼邊事良久云長愛閩南風景暖臘初華放玉蘭香

鏡庵自曇請上堂僧問隔壁聞釵聲是名破戒且道過在什麼處師云只爲隔壁聞釵聲進云破戒比丘不入地獄意旨如何師云得風流處且風流進云只如高沙彌不受戒又作麼生師云出頭天外看誰是

1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

撰述

恁般人問二六時中分晝夜無陰無陽處如何師云
築著磕著柯氏妙恩問趙州如何勘破婆子師云賊
是小人進云婆子如何勘破趙州師云智過君子恩
禮拜師舉拂云汝還勘破這箇麼恩云不會師云勘
破了也乃云圓通門大啟桔槔累刻不停聲寶鏡照
無私壺嶠終朝相對面何必拈槌豎拂恢張本地風
光鼓舌搖唇展演衲僧巴鼻但能一了一切了一明
一切明歷劫至今常坦然普請歸家安穩坐便恁麼
去向國懼手中黑漆拄杖還甘麼吽吽相逢莫喜無
危路須信雖平更陷人復舉僧問趙州狗子還有佛

腳

妙圓請上堂治世語言與汝不相干拋開紫陌紅塵
外佛法奧妙與汝沒交涉拶出落花流水邊行住坐
卧喫飯穿衣且要識取無位真人嘗在面門出入只
如今閒談抵對歷歷孤明莫便是無位真人麼咄此
正是無量劫來生死根本切忌錯認好且畢竟那裏
是無位真人還識得麼推戶偶驚玄鶴夢一輪羲馭

印天心

印天心

九座蓮峰公同鄉紳柯濟谷文學柯士賓等請上堂
百千法門無量妙義逼塞虛空滿眼滿耳就滿眼滿
耳處討箇出身路頭因地一聲豁然開悟不妨施機
發用與奪自由扶豎綱宗摧伏魔外然後知玉屏銀
管固有家風焦尾青萍現成公案歌樓舞榭無非清
淨講堂蘿葉鱗紋總屬寶華王座龐居士云十方同
聚會箇箇學無爲此是選佛場心空及第歸今因諸
大護法入山亦須恁麼一回始得山僧忍俊不禁更
與一頌及第心空心空及第獨步羣中聲光弗替無

孔笛拈雲外吹老龐千古遙相繼且如何是相繼底
事擊拂子云問取座山舊主人

臘八尼法乘請上堂僧問瞿曇失卻眼睛時雪裏梅
萼只一枝卽今千枝萬枝且道是同是別師揮拂云
總向這裏會取進云還許看華人略展攀華手麼師
云又且何妨僧作禮云不費纖毫力拈將錦上鋪師
云大衆見汝禮拜乃云一星契旨迷悟齊蠲一句當
風聖凡普印功圓果滿道大德全世出世間誰能過
者山僧今日向瞿曇頂額上葛露鋒鏗要使人人知
有以拂子○召大衆云還委悉麼錯腳踏翻泥水路

101234567891801234567891501234567891

撰述

樓閣門開爛熳紅復舉古雲巖問一尼云汝爺在否
尼云在巖云年多少尼云年八十巖云汝有一爺年
不八十汝還知否尼云莫是恁麼來者麼巖云猶是
兒孫師頌云猶是兒孫不是爺雲巖老漢太周遮當
時好與攔腮撫也免叢林亂似麻

居士林賓王翼王爲令尊六觀翁及諸親眷任中保
安請上堂始從鹿野苑終至跋提河於是二中間未
嘗談一字旣未嘗談一字五千餘卷甚處得來今日
乃伊最初成道之辰山僧略借拄杖子發揮一上遂
拈拄杖卓云是五千餘卷耶是一字都無耶這裏諦

當分明方知權實頓漸著著全該大小偏圓頭頭互
攝三世諸佛如是出世如是成道如是說法如是度
生又見一切人當此時節各發菩提心乘此因緣各
達佛性義似饑逢餚似跌得扶似渡遇舟似子就父
不萌枝結團圓果優鉢華開劫外春復卓一卓云拄
杖子騰涌虛空現十八神變去也言前契領已落二
機句後搏量早遲八刺事弗獲已曲順人情亦要大
家合掌佐助還會麼出身容易轉笑難仗佛光祈仕
路寬且待九天垂雨潤憑君傳語報平安

戒子請上堂僧問比丘依四念處住大闡提人依甚

1001-1801-1901-2001-2101-2201-2301-2401-2501-2601-2701-2801-2901-3001-3101-3201-3301-3401-3501-3601-3701-3801-3901-4001-4101-4201-4301-4401-4501-4601-4701-4801-4901-5001-5101-5201-5301-5401-5501-5601-5701-5801-5901-6001-6101-6201-6301-6401-6501-6601-6701-6801-6901-7001

麼處住師云酒肆茶坊任意遊進云未審和尚如何接待師云一棒遣出僧喝師云汝不是恁麼人乃云菩薩之道無所不包菩薩之光無所不燭菩薩之戒無所不圓菩薩之願無所不備菩薩之行無所不彰菩薩之心無所不普汝等今日發菩薩心圓菩薩戒還能一一信受奉行也未忽有箇大閻提人出來道衲僧家佛且不爲何菩薩之有山僧癢處被他搔著只得倚杖微微而笑何以故鬚髮懶除貌似癡原無佛法可傳持山堂夜靜蒲團冷衲被蒙頭各自知拽拄杖下座

春日上堂一年始有一年幽意自隨流水任他黃鳥共啼萬紫千紅總是是甚麼此去府城不遠人馬雜遝鑼鼓鬧喧喧地汝且看昨日粉裝底如何面孔今朝棒打底如何模樣急轉身來方丈裏通箇消息三盞清茶聊止渴莫言禮數不慇懃

歲旦上堂僧問天得一以清地得一以寧和尚得一正令當行正令當行則且置安邦定國事如何師云四海樂無虞進云闔國懽呼無量壽普天樂唱太平年師云現成句子任重拈乃云長安雖鬧我國晏然夜深被煖正好打眠誰管地誰管天伸腳起來行一

遍山童報我賀新年且新年有什麼可賀莫是汝我添歲麼莫是風和日麗堪娛物華麼莫是五穀豐登皇恩廣潤麼是則固是於我衲僧門下事總不恁麼如何是衲僧門下事擊拂子云腦蓋撥翻開正眼千差萬別盡融通

石竺知客請上堂僧纔禮拜師打云向這裏道一句看僧喝師又打云再與汝一棒又作麼生僧擬議師云只得一跳乃云禮數叢林貴整齊南方不用碧波黎客來但喚喫茶去一著當機覲面提覲面提則不無忽若遇韓大伯與汝商量趙州柏樹子又且如何

大丈夫漢眼裏有筋豈可恁地耳休聽人區處石中玉解連鎗擊炯炯神光透竺西復舉南院顥示衆云赤肉團上壁立千仞時有僧出云赤肉團上壁立千仞豈不是和尚道院云是僧掀倒禪床院云這瞎驢亂做僧擬議院便打趁師云南院坐籌據令旁若無人這僧不合強出頭到招一場屈辱雖然在今時中也難得莫有爲這僧作主與南院相見者麼拈拄杖卓一卓喝一喝

信女林明智請上堂如何是如來禪白鶯下田如何是祖師意黃鸝上樹是卽是徃徃人多作境會如何

170123456789180123456789190123456789

撰述

是如來禪撥向一邊如何是祖師意置著一處是卽
是徃徃人多作無事會所以山僧擬開口則礙卻舌
頭出他圈續不得擬不開口則塞卻唇吻亦出他圈
續不得到這裏還有轉身路也無擊拂子云九年面
壁老臊胡別無毫髮可傳授

朗如同信官張廷貴等請上堂腰懸寶劍卷舒格外
乾坤肘佩靈符展拓寰中日月風行草偃水到渠成
勘驗衲僧保安家國佛祖爲之擁護外魔弗敢當鋒
大衆也須是箇中人始得豈不見昔日朱行軍入寺
齋僧執手爐行香云直下是直下是時有僧云直下

是什麼軍便喝僧云行軍是佛法中人惡發作什麼
軍云汝作惡發會那僧便喝軍亦喝云鉤在不疑之地
據這兩箇作家氣宇衝天韜略蓋世誠爲千古希
有今日朗上座同衆尊客入寺齋僧香已行過了也
汝且道直下是箇什麼有人道得慶讚事畢其或未
能山僧圓郤此話去龍驤虎驟迥非常直下分明共
舉揚卓拄杖云一句無私歌景福年年滿酌太平觴
下座

吼菴藏王請上堂一大藏教偏圓頓漸好事不如無
直指人心見性成佛好事不如無三玄四喝十智五

支那

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

位好事不如無吼菴公領衆設齋元長老擊鼓陞座
且道是好事不是好事以拂子打圓相云摩尼珠人
不識如來藏裏親收得撼一撼云百雜碎了也豈得
光明所被上而天宮下而地獄於其中間情與無情
悉皆煥然等現未審諸人如何委悉良久云解行莫
問前和後吼動空山冠古今

鄉紳黃改菴黃十華同諸文學請上堂春風入戶青
霜老世事催人白髮多惟有當陽一著子歷劫長存
不受磨只此當陽一著不在別處就在尋常起居動
靜中乃至居官執政定國安家教子欵賓呼奴使婢

頭頭顯露物物該通但能直下承當便見無窮受用
且受用底句作麼生眉懸瑞彩全彰殊勝莊嚴頂放
祥光證入本來壽量逢清時以自樂處濁世而靡驚
爲九有之津梁作聖賢之依怙從上以來得恁麼受
用者夫豈少哉馮給事云公事之餘喜坐禪未曾將
腸倒牀眠雖然現出宰官相長老之名四海傳又張
拙秀才云光明寂照遍河沙凡聖含靈共我家一念
不生全體現六根纔動被雲遮斷除煩惱重增病趨
向真如亦是邪隨順世緣無罣礙涅槃生死等空華
山僧此者略舉一二以爲證驗畢竟意在於何良久

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

云法輪撥轉靈山會須待堯天日月人

放生會紳衿林輝章林士表等請上堂僧問如何是國懼境師云殿依河洛數山似碧蓮心如何是境中人師云眉毛雖不異頭角自峻嶒進云人境已蒙師指示放生一句是如何師云鶢飛魚躍乃云仁恕之道賢聖共由福業相隨報償不昧是以放生化廣萬數叨恩大喜門開千祥集會雀銜珠而謝德龜渡水以扶危古今典籍所載豈誣也哉只如南泉斬猫歸宗鋤蛇又作麼生理論若是越格丈夫有移山塞海底手段到這裏自然得知古人用處知得古人用處

亦須知山僧用處且如何是山僧用處舉起拄杖云南竿砍盡竹重栽釣了魚兒復放去從他鼓鬚與揚鬚一天繚亂桃華雨

智鏡德芬請上堂僧問古人道三十年前見山只是山見水只是水時如何師云山僧亦會恁麼來進三十年後見山不是山見水不是水時如何師云山僧亦會恁麼去僧禮拜師云卽今上座作麼生進云見山是山見水是水師云只恐不是玉是玉也大奇乃云古人道三十年前見山只是山見水只是水瞎漢好與一頓痛棒三十年後見山不是山見水不是

180 1 2 3 4 5 6 7 8 9 150 1 2 3 4 5 6 7 8 9 150

水瞎漢亦好與一頓痛棒而今見山依舊是山見水
依舊是水瞎漢更好與一頓痛棒此三頓痛棒著者
有箇落處汝若簡點得出便見古人不先山僧不後
不先不後一場漏逗乾旋坤轉兮非可測量電閃風
馳兮那容吞吐籬雀啾啾徒爾爲摩霄俊鵠自千古
喝一喝云明眼衲僧切莫莽鹵

上元日未發西堂請上堂僧問東海有聖人焉此心

此理同也西海有聖人焉此心此理同也東海西海
則不問如何是此心此理師云明歷歷露堂堂進云
只如支那人與扶桑國鬪富還有優劣也無師云一

箇鼻尖兩孔出氣進云恁麼則一毫頭上輕拈出百
億須彌日月燈師云任汝踏翻乃云一枝箭過扶桑
國半載隨流放復回今日蓮山重接手燈華月彩競
時開要識這一枝箭麼未發已前親薦取聲光浩浩

響如雷

解制辭衆上堂布袋解開眉毛拆散君住蒲陽我行
浙岸都緣熟處難忘要了未了公案這公案如何斷
斷不來各自看春到山華匝地紅上元定是正月半
下座

師過福城金鷄山朗元院主請上堂僧問一稟長衡

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

飽十方、乾坤唱徹露鋒芒。天然獨宿孤峯內，佛祖都來沒處藏。
孤峯獨宿則不問，玄沙不出嶺意旨如何。
師云腳頭磕痛也，進云汾陽徧參。又作麼生？
師云賣弄草鞋錢。進云今日有人嶺不出方亦不參，和尙還肯他否？
師打云正好喫棒僧喝。云男兒自有冲天志，不向他人行處行。
師云也離不得這窠窟。僧拂袖歸，衆師乃云金雞早唱萬戶齊。
開紅日東昇千江互映，頭頭絕滲漏。歷歷不囊藏，可中有箇聞聲悟道見色明心也。
許伊把手高高山頂上，迎風坐賞福城春。是即是只如金雞未唱之先，諸人作麼生？
聞紅日未昇。

以前諸人向甚處見事，弗獲已平展去也。金雞未唱之先，無聞而聞；紅日未昇以前，無見而見。是爲真見，真見而無所不見；無聞而聞，是爲真聞，真聞而無所不聞。無所不聞，則與一切人同聞；無所不見，則與一切人同見。雖然恁麼說話，於唱教門中猶較些子。若是衲僧正令，未可在且如何？是衲僧正令卓拄杖云等閒，揷起摩霄翅，管取軒昂自在飛。福嚴老和尚忌拈香，先師此日死猶生。說箇猶生，亦不增一瓣香銷千古恨，愧無轉語賽巴陵。

1701-234567891801-234567891901-23456789

撰述

法分毫無有堂前笑語般般念公請我陞座相對依
稀舊顏好把一枝玉笛隨風吹過蘆灣以拂子作吹
笛勢云還識笛中曲麼悠悠不入落梅調能令行人
盡放頑復舉僧問雲蓋本云知師久蘊囊中寶今日
當場略借看本云適纔恰被人借去師云大小雲蓋
可惜太慳生若是本分宗師自然不辜來意這僧棄
郤自家珍而貪人之所寶也好與笑三十年

佛誕修林李居士同孺人超華追薦請上堂華問先
父先母未審何處著腳師云毘藍園中無憂樹下華
禮拜師乃拈拄杖卓一卓云十方諸佛皆從這裏降

百癡禪師語錄卷第十四

嗣法門人超宣等編

示衆

師住蓮峰於崇禎庚辰冬就院示衆云建法幢立宗
肯奮大用施大機翻佛祖曰窠截邪外羅網要須頂
門亞三隻底漢子尋常刀砍不入硬剝剝地方有少
分相應所以德山凡見僧來便棒臨濟凡見僧來便
喝乃至天下老和尚爲一切人解黏去縛覲面提持
莫不具此風光欽此作略而豈庸庸碌碌喂鎗避箭
之徒所能彷彿其庶幾哉既然如此卽今山僧示衆

1701-234567891801-234567891601-23456789

撰述
白雲山房集卷第十四

之初斬新條令一句作麼生道驕拈拄杖卓一卓云
或聖或凡勞脊劙丈夫氣宇峻於王
示衆地不在廣無礙卽居衆不在多相安卽住清茶
四五盞薄粥兩三餐拄杖子有時生風起草掉月敲
雲亦欲箇箇點頭自許知鼻孔端然只在面上閒來
擺手空庭外笑對幽岑幾樹華

示衆釋迦已滅彌勒未生現前一片光輝總在山僧
眉毛罅裏有不受人瞞底出來道箇通方句山僧自
合知機侵占他星兒不得其或荆棘路萋萋烟嵐望
轉迷切忌寒猿午夜啼復舉趙州訪茱萸至法堂上
斷看

從東過西從西過東萸云作甚麼州云探水萸云我
這裏一滴也無探箇甚麼州以拄杖靠壁而出師云
趙州固善探水賴遇茱萸暫不揚波當時若與倒獄
傾湫何處更有趙州也雖然祇如末後以拄杖靠壁
便出爲復是定伊淺深耶爲復是截流而過耶試請
冬至示衆混濛未剖宇宙未分當是時也不見有羣
陰剥盡一陽復來更說甚小人道消君子道長瞥爾
爆動生剗互推人盛物蕃世移俗變致令慈明潦倒
無端堂前賣俏洞山家門失睦果桌郎當據理勘評

1001-1801-1601-1203-4501-901-801-701-601-501-401-301-201-101

撰述

百城元良金石錄第一

這一隊老古錐都好與三十棒卽今莫有向混濛未
剖宇宙未分已前道得一句者麼良久云直饒道得
十分現成亦只是左之右之

示衆昨日三十今朝初一數日甚分明循環無間息
無間息與他覩體不相隔遂高聲召大衆云且道他
是阿誰

臘八示衆黃面老子夜半覩明星悟道已是乾茆地
上無端著把火了也後來人不善撲滅更與扇颺以
至炎炎者亘天焦逼無如之奈蓮峰旣丁此末運亦
要就烈燄中出手大發威光是汝諸人擬向什麼處

迴避喝一喝

示衆舉臨濟問僧甚處來僧云定州來濟拈棒僧擬
議濟便打僧不肯濟云汝已後遇明眼人去在僧後
到三聖遂舉前話聖拈棒僧擬議聖亦打師云這僧
決不從定州來若端的是定州僧何至臨濟散宅破
家又累及其子乎蓦拈拄杖云看看山僧今日更爲
拖累去也復卓一卓云明眼人前不得錯舉

春日示衆亦奇哉亦奇哉頭頭顯露物物全該春色
滿園關不住一枝紅杏出牆來呈拄杖云紅杏出牆
也還見麼若也見得可謂已帶看花眼天時人事不

1701-1801-1901-2001-2101-2201-2301-2401-2501-2601-2701-2801-2901-3001

撰述

相幸負其或未然東君未必長留意又遣紛紛點翠
苔遂擲下拄杖

歲旦示衆元正初一萬事大吉塵尾休拈藤條靠壁
相見相邀笑語多趙州茶令請君喫趙州茶且止只
如中間底畢竟是什麼果子若真欲滋味分明切莫
向山僧借口好

元宵示衆畫鼓連天震歡聲動地流林間無事客以
拄杖○云隨例掛燈毬燈毬已掛大家急須著眼設
若遲疑一陣卒風暴雨來也便打散歸方丈

因事示衆坐深井者不識太虛之寬廓局偏見者安

明正法之圓融設或遇一箇半箇略辨緇素未免又
被風吹別調蓮峰到這裏可謂雪裏梅花霧裏山看
時容易畫時難早知不入時流眼多買贊脂畫牡丹
然雖如是三十年後大有人空瓶渡水

採茶歸示衆雲乍捲雨初晴山前山後荳萼舒青藏
不得兮瞿曇面孔摘不盡兮達磨眼睛可怪無端杜
鵑子獨在枝頭上喚人歸去一聲聲復舉鴻山採茶
次謂仰山云終日採茶只聞子聲不見子形仰撼茶
樹鴻云子只得其用不得其體仰云未審和尚如何
鴻良久仰云和尚只得其體不得其用鴻云放子三

1701-234567891801-234567891901-23456789

十棒師云二老宿捺來授去微露風規可謂父父子子各盡其道者也若是體用一致敢保未夢見在私如今日大家採茶回來亦無如是問答且作麼生說箇體用一致底意舉起拄杖云會麼有時卓向千峰頂割斷飛雲不放高

浴佛示衆四月八日天下叢林皆浴佛且道蓮峰還有佛也無若言有汝作麼生浴若言無汝又浴箇甚麼直得有不管無亦不拘拘折洞山秤鞭起楊岐三腳驢方信趙州殿裏底一道圓光爍太虛喝一喝示衆纔坐定左右顧視云劍去久矣山僧不可作刻

舟人也便歸方丈

端午示衆蓮峰頂上白浪滔天不用一篙鐵船可渡誰勝誰負孰拙孰工看取標頭自生活計所以古龍牙云學道先須有悟由還如曾鬪快龍舟雖然舊閣閒田地一度贏來方始休良久云諸上座休也未示衆說妙說玄清時奸細行棒行喝亂世英雄英雄奸細向蓮峰門下俱要納欵供招忽有傍不甘底高聲道和尚亦是普州人只得退身三步何故具眼者難瞞

七夕示衆一年一度喜相逢鵲駕銀河兩路通誘盡

世間人乞巧多情只在數盤中乞巧且置祇如牛女
相逢之際合談何事拍膝云竟日思君君不見見時
仍是別時容

示衆萬庵以小參普說當供蓮峰恰逢冷淡且不妨
攀例用表殷勤遂展兩手云和盤托出了也好大眾
莫嫌滋味薄相得後頭長

拈法衣示衆此是大庾嶺頭提不起底如今從信心
施主送將來雖則滿目光生亦覺事難逃避且道有
甚麼事乃就肩披云一片彤霞飛曳曳令人千古憶
風流

示衆驢頭馬額鳥嘴魚腮尋之不可得有時還自來
忽然來時如何青天白日起殷雷復舉僧問趙州如
何是祖師西來意州云庭前柏樹子師云庭前柏樹
子歷歷爲君舉勘破老趙州全身在裏許今日或有
問山僧如何是祖師西來意亦向伊道庭前柏樹子
且道與趙州相去多少

示衆一向和泥合水者也周繇盡世界自枯黧奴滿
口讚揚有分設於機思不及處言語未彰時據令而
行奚翅橫屍千里萬里豈不見南泉因兩堂爭猫兒
次泉提起云道得則不斬衆無對泉便斬諸人到這

100 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120 1 2 3 4 5 6 7 8 9 90 1 2 3 4 5 6 7 8 9

撰述

裏畢竟如何卽得得與不得且置還知自己是南泉
麼拈拄杖卓一卓喝一喝
示衆萬法歸一一歸何處良久豎起拂子云祇在這
裏在這裏卻相親相親猶似不相識屋角桃花也笑
人

歲旦示衆佛法無和有年頭俱不論只將木上座卓
出定乾坤乾坤旣定也則放馬歸牛兵器銷爲農器
用時清物阜萬人恭祝一人春我衲僧家三腳驢水
牯牛且道歸放何處拍膝云總是國王田地上隨緣
隨分納些些

佛誕示衆世尊初生龍得水時添意氣雲門打殺虎
逢山勢長威寧這兩箇漢雖則分疆勍敵旁若無人
據今日看來鼻孔總在山僧手裏既然如是山僧不
妨曲陪笑面請出相見與他做箇解交也免得千古
之下遭人簡責遂呈拄杖召大眾云要識世尊麼者
裏是卓一卓云要識雲門麼者裏是而今而後世尊
不必稱尊雲門不用打殺各自照顧鼻孔和氣輒成
一團爭奈這兩箇漢氣宇如王弗肯低頭聽人處分
莫怪山僧性躁翻轉臉皮掃踪滅跡去好拽拄杖打
散歸方丈

100123456789180123456789150123456789

撰述

百川印白言金石錄第十四

示衆舉傅大士一日披衲頂冠靸履朝見梁武帝帝
問是僧耶士以手指冠帝云是道耶士以手指靸履
帝云是俗耶士以手指衲衣師云善慧捏怪多般梁
主眼中著刺當時見伊恁麼來但喚侍臣趨出也免
得大梁界內誘陷平民

城中回示衆山僧昨日入城見一隊樂人管絃雜奏
聽者接踵摩肩復至街東見一家慟哭淒零過者知
而弗問因思衆生貪樂不知樂是苦因自信遇苦常
惺方識苦爲樂本今朝舉似禪客切莫隨境逐愛憎
且向七尺單前試究此心從何起忽然究得透時再

與汝諭箇苦樂大根由亦未遲

秋日示衆白豆花開候金梧葉墜時寥寥思不禁情
筆寫新詩呈拂子云山僧寫了也且道是長篇是短
句良久云逢人切莫錯舉

重陽示衆登山須到頂若不到頂爭知宇宙之寬百
山山頂一座好山直饒汝登到頂也頂上猶有山在
且如何是頂上之山崔巍頓落千峰勢幽邃全消萬
派聲

發化主示衆舉古有僧半夜大叫云我悟也旁僧把
住云汝悟箇甚麼僧云師姑原是女人做真淨文拈

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

云善則甚善賺殺多少人卻須知有賺人處洞山亦有箇悟處且道悟箇甚麼化主原是徒弟做美則甚美笑殺多少人卻須知有笑人處賺人笑人兩語雙陳飽參衲子孰辨疎親師云山僧這裏無箇悟處亦無箇賺人笑人處何故要做便做要化便化毒象擰龍一齊擒下明珠販得滿船歸留與叢林作話欄冬至示衆冬至月頭賣被買牛冬至月尾賣牛買被今年冬至十八還是賣被買牛耶還是賣牛買被耶試請斷看如無山僧自斷去也被不賣牛不買夜寒留在腳邊擺被不買牛不賣天明牽出日頭曬放放

收收得自由木人石女咸稱快爲甚如此且喜頂門陽復生孤根償盡羣陰債喝一喝

臘八示衆靈雲見桃香嚴擊竹太原聞畫角佛果聽鷄鳴這一夥賊漢其中有正賊有草賊好與三十棒然而賊無種相鼓籠禍端之起都緣釋迦老子夜半覩明星亦好與三十棒山僧今日於此座上據欸結案處置分明這三十棒卻少不得且道是阿誰下手衆中莫有下得手者麼良久也直饒有也三十棒緩緩地還汝自領出去遂擲拄杖起身

示衆那畔寒梅鬪雪開暗香浮動這邊來鼻端觸著

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

白雲和尚錄卷第十四

生機發誰憚支筇走一回雖然如是忽若猛虎當途
踞又作麼生喝一喝云大丈夫漢不可向者裏便去
不得也

示衆問來答去涉多端鑿壁偷光祇自瞞若是英靈
皮有血機先已透萬重關

示衆禪禪低頭見地仰面見天禪禪饑來喫飯倦時
打眠禪禪眉毛分八字耳朵列兩邊若能如是會佛
祖在目前忽有箇漢云和尙與麼說禪三歲孩童也
解說山僧只向他道恰是何故彼此分上易他絲毫
不得

種竹示衆分得隣齋竹數竿和雲和雨插西巒他年
直遂凌霄志引鳳來棲也不難

栽松示衆臨濟栽松半爲叢林作境致山僧栽松愛
他堅節耐歲寒立意固自不同究竟原無兩用只如
將鋤打地黃檗云吾宗到汝大興於世又作麼生盡
道憐兒不覺醜誰知平水起波濤

雨中化主回示衆連日雨水泥漣化主歸來見面就
中雖然不多卻也事事成辦是汝諸人照管匙筯則
且置設若山灣嶺凸被人攔奪布袋又且如何阿阿
呵當機一拶莫饒他

示衆僧堂內佛殿前中有一寶不方不圓是汝諸人
既在這裏來來往往還曾收得也未若收得的去非
惟自己潑天富貴受用無窮亦可以信手拈來普濟
貧乏其或未然須是猛著精彩退步摸索一番切莫
東走西奔到處被人瞞好

示衆睦州峻臨濟三度喫棒已是徹底婆心爭奈這
漢搭不回頭未免翻成鈍置末後於大愚處輕輕一
撥便弄出許多鬼怪殃累後昆咄當時若早與麼地
討甚睦州耶卽今莫有向睦州未峻以前一咬便斷
者麼良久云知恩者少負恩者多

金粟首座寮秉拂

衆請秉拂師云河邊賣水取笑傷觀沙底壓油徒勞
腕力事弗獲已且借方丈老人威光展演一上莫有
出來敲磕者麼僧問雨洗淡紅桃夢嫩風搖淺碧柳
絲輕山堂兀坐無思算連擊虛空作梵聲既是虛空
因甚麼有聲師云汝但恁麼舉進云識得箇中端的
意一毫頭上現乾坤師云放過一著問如何是奪人
不奪境師云金剛寶劍當頭截如何是奪境不奪人
師云眉尖趯倒須彌山如何是人境兩俱奪師云掀
翻海嶽無知已如何是人境俱不奪師云不動干戈

1701-1-86 1801-1-83 1901-1-82

見太平進云料揀已蒙師指示覩面相呈事若何師便打僧禮拜師乃豎起拂子云箇事全提那有回互截斷葛藤掀翻露布丈夫猛烈便擔當自可寰中誇獨步若於心性上駐腳意解裏搏量往往撞著惡聲頭未免轉身無路今日分明爲舉揚莫教趙婆又酷醋復云茲蒙方丈老人命特爲陞座自愧機思遲鈍戰汗不勝惟冀兩序頭首大衆慈悲包荒更有一偈亦與拈出滿目英靈勝舊時疎才何可強離披祗緣業債無藏處故逐東風繚亂吹久立珍重

吳辟僊請秉拂碧紗牕內風光本有絕遮藏黃卷堆

頭正眼洞然無向背何須越離庭戶跳出澈城來金粟山中看娑羅寶樹嫩榦抽芽望九九奇巒飛雲疊翠自家境界弗隔諸佛妙義全彰一回舉起一回新一度思量一度快此何以故皆由他靈根夙稟合乎天然所以不假強爲立地成現政當恁麼時直饒打翻獨桑鼓驚起老康僧與秉拂上座同登此曲呆牀渴傾河之辯施掣電之機也動他星兒不得且因齋慶讚一句作麼生道萬福千祥如霧集團闔願證地行僊

金門超俞請秉拂僧問如何是金粟境師云一枝松

1701-1801-1901-2001-2101-2201-2301-2401-2501-2601-2701-2801-2901-3001-3101-3201-3301-3401-3501-3601-3701-3801-3901

在主山頂進云如何是金粟僧師云魚腮馬面得人憎乃云故園三月春將暮桃花李花飛無數杜宇聲苦勸歸不知歸去果何處欲知處住住住綠蓑衣底放毫光青玉案前敲活句且作麼生是活句亡過椿萱登九品現存夫婦享遐齡復舉金陵俞道婆市油養爲業一日聞丐者唱蓮花落云不因柳毅傳書信何緣得到洞庭湖忽大悟以養盤投地夫傍睨云汝顛耶婆掌云非汝境界師云俞婆投盤雖則風流徹底其夫傍睨未免觸犯鋒芒何似耕而食鑿而飲渾家不管興亡事衲帳蒙頭晴晝長良久云也須是

箇漢始得

秉拂僧問獅子一吼衆獸咸伏如何是獅子吼師云閻黎腦門裂了也僧擬議師云死活也不知乃云欲爲祖師門下客須一一有騎賊馬奪賊鎗殺入賊隊底手段始得不然祇是箇穿窬草賊無益於事如臨濟一日侍立德山次山顧謂云老僧今日因濟云這老漢寐語作麼山擬拈棒濟便掀倒禪牀恁麼方爲正賊也衆兄弟此去人家不遠忽有忿不甘底來這裏捉賊又作麼生秉拂上座自有計較且作麼生計較不見道大膽駕頭衝突過小膽哀鳴告所繇

1701-1234567891801-1234567891901-123456789

撰述

祈壽嗣請秉拂百病消鎔笑臉開此行不用著疑猜
壽山一座翠千古更有旗鈴入夢來這四句語已盡
情爲蔡老居士酬謝了也慶讚了也便與麼信受去
何須萬貫腰纏一任家堂穩坐筆尖倒卓起學海之
波瀾慧鏡圓明增祖燈之熾燄乃至迎賓待客喚婢
呼奴琴瑟和諧手足舞蹈無一刻不得受用無一處
不具真常雖然如是猶未有人證明在良久驀豎拂
云孔夫子已在這裏證明也說道二三子以我爲隱
乎吾無隱乎爾還見麼還聞麼卽此見聞非見聞無
餘聲色可呈君當年山谷翻身處桂子花開撲鼻芬

復敲香几下座

秉拂一切聲是佛聲尋常鶻噪鴉鳴諸人爲什麼不
作佛聲聽一切色是佛色殿前狗子尾巴搖諸人爲
什麼不作佛色觀設或觀聽分頭合轍於我衲
僧門下事要且天淵懸隔在豈不見臨濟禪師因薩
州教問佛法大意三度喫黃檗手中痛棒灼然恁麼
似金翅劈海直取龍吞獅子王奮迅呀叱壁立萬仞
到這裏還容說得聲麼還容說得色麼還容得擬議
商量麼所以靈利底漢不用如何若何自有透脫一
路掀翻佛祖窠窟迸出向上爪牙縱使牛頭馬面驕

10123456789180123456789150123456789

地相逢也須退步休機力在轉處且道元上座如斯
告報畢竟意在於何曾經汗馬邊庭苦殊愛勳高蓋
代人

開爐秉拂云當爐避火懦怯之夫見義勇爲衲僧氣
槩有麼有麼試出來與秉拂上座相見僧問諸佛皆
從此經出如何是此經一句師云香烟繞寶座進云
吾師不遠百里而來今日陞座意旨如何師云有眼
者見有耳者聞進云知恩禮謝去也師云放汝三十
棒乃云丹霞燒木佛寒乞兒百丈挾灰星小架子趙
州把火叫喚土白拈龍潭吹滅紙燈惡心行這一隊

老凍儂今日看來都用不著何故廣慧堂前有隻現
成大火爐暖烘烘地不必費柴費炭萬扇千颺祇憑
箇無根樹輕輕安著其中便可與諸兄弟同行同坐
同住同臥隨時取足任性逍遙直令見者聞者人人
頂眼洞明箇箇心華發現既然如是無根樹卽今在
什麼處驀呈拄杖左右顧視云莫是這箇麼良久云
且莫錯認便下座

秉拂下喝敲牀拈槌豎拂靚面相呈更無別物耳聞
眼見甚分明因甚行說俱弗得倘能向這裏信腳行
去如獅龍戲水信口說去似猛虎嘯風自然根境雙

100 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120 1 2 3 4 5 6 7 8 9 90 1 2 3 4 5 6 7 8 9 60 1 2 3 4 5 6 7 8 9 30 1 2 3 4 5 6 7 8 9 15 1 2 3 4 5 6 7 8 9

融縱橫無礙有時白鷗灘上玉笛橫吹有時用里山頭倚筇踞坐有時康僧橋畔投石打破水中天有時娑羅樹前擺手吐出驚人句此皆已得受用三昧不必尋常學解將來若猶是恍惚依稀半前半後今日挑囊到這裏明朝負鉢往那邊見人豎拳也豎拳見人下喝也下喝見人著語做偈也著語做偈及至腳跟下輕輕一拶又覺業識茫茫恁麼參禪赤土塗牛
奴只可誑汝爺娘有什麼用處古德有言參須實參悟須實悟閻羅大王不怕多語所以元上座於起初結制時每垂一言半句誘激初機總要汝實參實悟

踏著本地風光爭奈土曠人稀相逢者少今日逼不得已口漉漉地雖則眉毛落盡鼻孔仍自昂藏衆中新發心兄弟有識得元上座鼻孔落處不妨出來扭捏一上其或未然衣裏單頭三七日內各自仔細看取且畢竟看取箇什麼以拂子擊一擊下座

請秉拂清霜地玉梅天饑餐渴飲晏坐困眠頭頭無
罣礙處處足生緣三關緊密如能透便是人間不老
仙復舉鄭十三娘隨師姑到大鴻次纔禮拜起鴻便
問這箇師姑甚處住姑云南臺江口住鴻喝出又問
背後老婆甚處住十三娘放身近前叉手而立師云

十三娘兜弓搭箭百藝隨身若不是這師姑暗藏射
垛爭顯他汗馬功高茲者偷師姑領信女入山設齋
秉拂上座已識得伊住處亦不用問不用喝但合掌
稱謝云端坐受供養施主常安樂且道與大鴻相去
多少

冬至秉拂僧問牛頭未見四祖時如何師云富貴太
多見後如何師云貧窮徹骨乃云丁丁卓卓灑灑落
落妙用神鋒菸蕪戴角德山臨濟拈過一邊外道天
魔實難摸索說箇混濛剖判陰陽消長盡屬黃葉止
兒啼更說箇米河發餽葭管飛灰卻又千差萬錯若

是頂門眼正肘後符靈底出來掀倒禪牀喝散大眾
橫身當宇宙一句定綱宗秉拂上座有口祇宜壁上
閣然事無一向隨時應節要且何妨不免趁大家和
氣唱幾句村歌濫充高聽去也遂拍掌云山重重雲
漠漠一線露陽春嶺頭梅破萼象骨毬普化鐸信手
拋兮信手搖箇裏風流也不惡果不惡非寂寞常憶
東村大姐嬌清音嘹亮動寥廓復拍一拍下座

尼慧真請秉拂學道須是鐵漢著手心頭便判直趣
無上菩提一切是非莫管古人怎麼道祇得一半天
上座則不然學道須是鐵漢弗用前思後算直下決

1701-234567891801-234567891901-23456789

烈承當便與一刀兩段建不建之規模了未了之公
案豈不見當年實際尼氣魁岸不下笠子勘俱服至
今聲名猶顯煥又不見當年老灌溪眼睛卻被末山
換三載親承半杓恩辦香拈出從人看從人看箇箇
同條亦共貫喝一喝云莫謂來時別有春等閒蹉過
紅爐銀

臘八秉拂僧問昔日世尊出母胎恁麼捏怪爲甚又
觀星悟道平地起風波師云不是一番寒徹骨爭得
梅花撲鼻香進云學人拈得雲門棒打殺與狗子喫
貴圖太平去也師云古廟石獅子乃云六載饑寒羸
拂子云當初只道將勤補誰信今朝弄巧成復舉古
德云臘八喫鷄羹纔疑禍便生溪邊楊柳影不得釣
舟行後傑峯和尚拈云古德與麼道大悟不拘於小
節未免與賊張梯引邪入正興國則不然臘八喫紅
糟叢林意豪酣酣沉醉倒更不惹風騷師云一箇
半斤一箇八兩若要循途守轍驅邪返正須還秉拂

10123456789180123456789150123456789

上座始得臘入喫香糜禪和樂有餘渾身都煖熱不
怕雪風吹

戒子請秉拂僧問受戒是學定坐禪是學慧吾師舉
唱宗風是定慧雙忘學人昏鈍未明求師當陽指出
師云三十棒自領出去進云恁麼則釋迦老子在拄
杖頭上現身了也師云莫帶累釋迦老子好乃云應
以男女身得度者卽現男女身而爲說法應以菩薩
身得度者卽現菩薩身而爲說法而今此身已現且
作麼生是說底法遂拈拄杖卓一卓云南無佛陀南
無達摩南無僧伽總在這裏放大寶光其光從口出

非青黃赤白是汝諸人還見也無若也見得可謂心
珠日朗性海波澄一念圓明十方普照寒梅綴玉無
非盧舍家風翠竹篩金盡屬能仁境界乃至諸天拱
手外道歸降一切波羅提木叉相貌皆收攝汝不得
須知此收攝不得處便是金剛不壞之寶戒便是生
佛清淨之本源過去菩薩所證證此現在菩薩所修
修此未來菩薩所學學此又何必說持說犯說有說
無自縛自纏然後爲受戒哉雖然祇如恁麼人來與
恁麼人相見又且如何橫行直撞無拘束一曲琵琶

對月彈

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標述

尼見修等請秉拂擊鼓敲鐘日日陞座但恐大家不耐聽不愁自己舌尖破還識渠儂舌尖麼風鈴鳴風旛動更非別物乾屎橛麻三斤總是這箇只要當人向未開口以前退步就已一踏踏得因元來師姑是個女人做既到恁麼田地任汝高揖釋迦說甚親逢達磨直饒鶲眼與龍睛正好攔胸蓦面唾雖然如是爭奈元上座手中辣藜未肯放過且道元上座畢竟有什麼長處無念無修見亦無單單鼻孔下頭大印化士回請秉拂毗盧寶印文彩燦然提得便行了無窒礙或孤峰絕頂閒閒嘯月棲霞或垂手長街步

步拖泥帶水珠璣運滿載誰道從門入者不是家珍
鉢盂口向天憲他豎嚼橫吞飽齁齁地我衲僧家尋常百事不啻米價不聞到這裏也合識伊來處且作麼生是伊來處悉麼黃龍昔日曾親指猶有眉間掛劍人復舉雲門因僧問如何是雲門一曲云臘月二十五師云雲門臘月二十五曲高不落宮商譜爭似今朝十五時等閒唱出超千古玉波騰金山舞露柱燈籠齊聽取更問其中意若何枝頭惱亂風和雨

下座

歲旦秉拂僧問鳳曆初頌日鴻鈞乍轉時舊年佛法

支那

丁巳年正月四日

壬午

180-123456789150-123456789

則不問如何是新年頭佛法師云鏡清道底進云恁麼則太平新氣象共覩樂欣欣師云恰似恁麼乃云龍驤易朔鳳曆頒新拈卻諸方舊話放出無位真人太成現莫巡逡箇箇欣添一歲春閒探墅梅呵手折膽瓶橫亞碧如銀

薦嚴請秉拂僧問紅輪決定沉西去未審靈魂往那方師云瞻之仰之進云孝子聞此語因甚哭哀哀師云泪出痛腸進云今日所薦啓吾居士又在什麼處安身立命師云照顧前話進云恁麼則一句無私語萬古覺昏迷師云兒郎說多謝問請師登座追薦先

親若念茲可在茲否師云恰進云覩面無消息臨機耀古今師便打乃云三十年前生而死一道靈光沒彼此三十年後死而生無拘脚下任騰騰地獄蓮宮都踏碎人間天上繫何能政當恁麼時還識伊面目麼透脫頂門眼一隻霜華映水碧棱層復舉盤山寶積禪師因出門見人昇喪歌郎振鈴云紅輪決定沉西去未審靈魂往那方幕下孝子哭云哀哀山聞之忽然大悟師云歌郎振鈴言中有響孝子哀哭泪出痛腸無端帶累老盤山十字街頭死郎罷正所謂愁人莫向愁人說說向愁人愁殺人愁卽且置只如盤

10123456789180123456789160123456789

山當時死底與元上座今朝薦底是同是別於此倜儻分明無恩不報若猶未也蒲團靜倚無餘事請自回光返照看

解制秉拂僧問九旬已滿本分未明還有究竟相應也無師云春風開竹戶夜雨滴花心進云學人從此無疑禮謝去也師云未信汝在乃云一畝之地三蛇九鼠鼻孔通同眉毛結聚逗到而今已值散制時節也風和凍解柳綠花紅眼角忽生春腳尖都活動南州北縣任意翱翔狐穴獅林隨機踏倒然雖如是以拂子打圓相云究竟何曾離這裏所以道盡十方是

沙門一隻眼見見無差盡十方是沙門一隻腳行行不二行既不二說甚去去來來見既無差分甚前前後後且各歸本位一句如何話會九九峰巒呈瑞彩萬年圍護法王家

入塔秉拂生如寄死如歸赤體條條絕所依可笑杜鵑啼夜血天明亂逐李花飛生住庵死入塔隨處安身隨處合一把柳絲孰解收玉欄干上和烟搭元上座恁麼道卻將如禪德三百六十骨節八萬四千毛孔盡情撒向諸人面前了也莫有識機宜底漢試出來通箇消息看一僧喝拂袖而出師云直饒恁麼翻

身去猶隔渠儂半月程

薦室人難亾請秉拂同心帶結錦鴛鴦忽地榴紅染
碧裳粉瘦胭消今已矣郎懷耿耿未能忘旣未能忘
則設齋求薦理所必然元上座更不用別吐尖新多
方曲引記得古佛偈云假借四大以爲身心本無生
因境有前境若無心亦無罪福如幻起亦滅已故朱
氏就向這裏會去便知生也是幻死也是幻生也唱
隨不離是幻死也白刃橫身亦是幻乃至死死生生
遍一切處苦樂因仍總無非是幻從上諸聖盡在此
幻海中頭出頭沒互相激揚六道四生盡在此幻海

中流轉輪迴無有休息然雖如是且畢竟向什麼處
與朱氏的的相見呈拄杖云還見麼萬疊雲山藏不
得覺華斜露一枝春

秉拂生死事大迅速無常一息不來便同灰壤所以
汝我出家兒須趁色力康健叅究此事莫只貪圖快
樂蹉過時光況今兵燹相仍人民離苦柴荒米貴處
處皆然而我輩猶得賴佛祖餘庥遵安居舊範高堂
巨厦坐臥經行粥飯茶湯現成受用若不知慚識愧
信施何以能消是用著實加鞭方見初心無負但此
事不必別求祇在當人四大六根裏靈靈弗昧了了

常知三世諸佛歷代祖師天下老和尚不敢正眼觀

撰述

著惟許當人直下承當自然透頂透底衆中有直下
承當者試出來通一機轉一語與他古人命脉相契
元上座望風展拜有分設或未然莫怪壓良爲賤更
下一箇註腳世事茫茫沒了期自家活計猛提撕忽然
提到無提處咄這一句子要汝自道元上座今日
有口終不肯爲說破便起身

保子請秉拂腦後圓光萬丈高誰人分上減絲毫祇
因弗信長拋卻到匣雲烟結轉牢以拂子拂一拂云
元上座盡力拂開了也直得純清絕點如明鏡以含

空照燭無私似紅輪而印水可以安家樂業可以集
祉消殃可以種未來勝因可以維正法眼藏父慈子
孝各歸本然日用行持了無異念且本然一句如何
道須知義重恩深處利刀剛刀割不開

明經朱季充請秉拂歲序星馳急人情波底忙千門
無壽藥一鏡有秋霜若欲志心求解脫除非參叩大
覺王且大覺王在什麼處頭長三尺不是趙州殿裏
底項短二寸豈干荆叟爛冬瓜如是知如是見如是
信解管取當前顯露觸目現成般若智圓金剛體固
壽算重重數不盡福資歲歲集無涯忽有箇漢出來

10123456789180123456789150123456789

撰述

道今日舉唱將謂有驚羣邁俗之談原來如三家村裏王長老念誦相似元上座心不負人面無慚色祇輕輕向他道恰是何以如此還錢就貨當行家種穀幾曾生豆麻

海鹽縣馬門顧氏法名超輝捐貲助刻新保
先夫承溪公往生淨土并自身壽命延長者

百癡禪師語錄卷第十四終

百癡禪師語錄卷第十五

嗣法門人超宣等編

小叅上

開堂晚小叅師云藥山小叅不點燈德山小叅不答話蓮峰燈也要點話也要答有不受人瞞底出衆相見一僧拂袖便出師云好箇仙陀又一僧出禮拜師打云汝又上釣作麼乃云有機有境有問有答總屬情識計較邊事若論當人真實一著子決不在是故雖世尊出世達磨西來亦只巧設權宜曲爲方便要且三乘十二部不是世尊說底直指人心見性成佛

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

不是達磨傳底須知別有能說能傳者在諸人還識得麼尋常著衣喫飯行坐打眠以至一靜一動無非全承渠力既各全承渠力則箇箇分上曾受絲毫許計較也無曾受絲毫許移易也無所以道世尊不出世達磨不西來佛法遍天下談玄口不開且如何是遍天下底佛法舉拂云白雲流水依然在翠竹黃花何處無

小參舉應庵和尚住莞山示衆偈云三十三州七十僧驢肥馬額得人憎諸方若具羅龍手今日無因到淨明後雪巖欽和和尚拈云應庵老祖開了這般大口

至今合不得報恩道八十餘人十七州相看盡是惡冤讐諸方有道不肯學來共山僧作對頭到這裏有口卻無開處師云二遠祖少賣弄蓮峰亦有一偈舉似大眾百日禪期十月開家嘗無計可安排人來共聚難分析捏起拳頭趁一回到這裏大似有口欲開開不得欲合合不得然雖如是也要諸方箇點

小參踢萬別截千差橫身異類意氣堪誇路見大蟲云是汝令人長憶古玄沙遂舉百丈海禪師凡參次有一老人常隨衆聽法丈問汝何人也老人云某甲非人也於過去迦葉佛時曾住此山因學人問大修

行人還落因果也無答云不落因果五百生墮野狐
身今請和尙代一轉語貴脫野狐身丈云不昧因果
老人於言下大悟作禮云某甲已脫野狐身師乃拈
拄杖云不落因果爲什麼墮野狐身右邊卓一卓云
過這邊著不昧因果爲什麼脫野狐身左邊卓一卓云
云過這邊著諸人還知落處麼若也知得蓮峰功不
浪施其或未然更聽重下註腳復卓一卓云墮也如
是墮脫也如是脫何止五百生轉轉自超越汝這一
隊野狐又來覓箇甚麼以拄杖打趁

小參單傳直指意無別可籌量梅影橫腮瘦偷風渡

暗香卓拄杖一下云面門拶破如相識方信由來絕
覆藏

除夜小參若論箇事阿誰無分只要當人用一切心
便有打破漆桶底時節堪笑今時一等不識好惡如
矮子看戲隨人上下貪圖些少熱鬧處以爲宗師以
爲具眼波波挈挈永不回頭嗚呼似恁麼名作參學
直參至彌勒下生敢保未夢見在蓮峰非是減伊聲
價但恐臘月三十日到來箇箇手忙腳亂從前所有
伎倆一點都用不著焉拈拄杖云且道拄杖子還用
得著麼良久云夜冷魚潛休下釣不如收捲過殘年

便拽拄杖歸方丈

因事小參拈拄杖云未明這箇要求明既明這箇要
求行明行念念無時息那有閒工別較爭所以古昔
真正道流凡入一叢林或三百五百或一十二二十汲
汲孜孜祇以已躬下事爲急至有甘陞沉而不悔履
顛仆而弗驚者法道之興所由來矣迄今去聖年遙
人情變換處處無明火熾在在我慢山高欲求其已
事明叢林盛寧可及乎諸兄弟韶光可惜烏兔無幾
切莫學這般魔隊自綱乎生各須努力向前認取活
路他時異日有箇緊切處方知別人替汝不得障汝

亦不得也久立珍重

小參把住牢關人天莫測裂開爪縫凡聖咸知拘執
則萬別千差融通則得此全彼且道是阿誰行履試
舉看古德一日不赴堂侍者請赴堂德云我今日庄
上喫油糍飽者云和尚不曾出入德云汝去問庄主
者方出忽見庄主來謝和尚到庄喫油糍師云這則
公案平直甚是平直請訛太煞請訛自非拶透重關
未免出身無路蓮峰此者無庄上可到亦無油糍可
喫隨挑野菜和根煮旋斫青柴帶葉燒較之古德相
去多少諸人還繙素得出麼倘或未然謾提一頌庄

上喫油糍逢人罵面欺莫謂胡鬚赤更有赤胡鬚喝
一喝歸方丈

除夜小參爆竹聲中一歲除西來祖意設分疎團圓
且向乾柴火滿面光生樂有餘復舉北禪賢和尚示
衆云年窮歲盡無可與諸人分歲老僧烹一頭露地
白牛炊黍米饭煮野菜羹燒榾柮火大家喫了唱村
田樂何故免見倚他門戶傷他牆剛被時人喚作郎
便下座歸方丈至夜深維那入方丈問訊云縣裏有
公人到勾和尙賢云作甚麼那云道和尙宰牛不納
皮角賢將頭帽擲下那便拾去賢下禪牀擒住云賊

賊那將帽覆賢頂云天寒且還和尙賢呵呵大笑師
云北禪爲衆竭力禍出私門蓮峰則不然人人有頭
水牯牛今夜要伊自宰要伊自烹喫了共唱村田樂
亦免見倚他門戶暗地不平或有冒公人來索皮角
又且如何便與驕鼻一拽直令者漢和賊捉敗
小參湛湛湖光夜不收魚蝦蟹鼈任沉浮爭如百尺
懸崖井祇見驪龍在裏頭驪龍倏起雷雨後隨兩曜
失明山河陡黑政當此際莫有斗膽向前取領下神
珠者麼喝一喝云照顧性命

清明小參僧問如何是清明時節師云暗風吹弱柳

新火弄清烟進云家家祭掃又作麼生師云紙錢燒半陌冷酒灑三巡進云恁麼則一場春夢也師云可憐相對慚懾去猶有墦間乞祭人乃云未出父母胞胎以前一段光明歷歷地既出父母胞胎以後一段光明亦歷歷地大眾須知這一段光明人人本具處凡不減在聖不增祇爲背覺合塵迷已逐物致使光明蒙翳弗能現前便見有諸佛有衆生有天堂可欣有地獄可怖如此紛然惑亂終無了時到不如放下身心堅起脊骨默地回光返照冷眼自看忽然看破父母未生前本來面目似貧得寶似暗得燈何等快

活何等受用到這裏說甚麼佛說甚麼衆生更說甚麼天堂可欣地獄可怖由生入死不犯毫蔴或去或留全超曠劫其或信根淺薄棄厭真修生死到來悔將奚及君不見荒丘新故塚纍纍多少英雄富貴兒正值清明時節好只添白紙遶空飛久立衆慈伏惟珍重

因事小參尺管窺天情知所見不廣貰沙塞海看來用力徒勞理本乎至公事難以妄作因緣會遇果報自徵急須回頭且莫錯怪復舉子湖一夕夜深於後架叫云賊賊一僧走出湖攔胸捉住云捉得也僧云

不是某甲湖掘開云是卽是只是不肯承當師云這僧不肯承當亦覺小膽若是真正解作賊底待伊攔胸捉住便露出白拈手段豈不名震諸方然雖如是子湖未必放過

小叅小店新開貴買賤賣不圖越倍本錢只要買主便快楊岐栗棘蓬明州破布袋一一橫拋在面前無遮無蓋乃環視左右云莫有下顧者麼請出來交開看衆無對師云寶峰今日失利

冬夜小叅石筍抽條暗寒梅破玉新乘時能薦取許是箇中人所以道欲識佛性義當觀時節因緣時節

若至其理自彰大眾如今有一等禪和子不能向枯木上生花寒灰裏發燄祇管死墩墩地噇飯過時今日也恁麼明日也恁麼乃至盡未來日也恁麼恁麼恁麼究竟成箇什麼若是其慣性底孟八郎漢終不作這般去就便於天地未開之始陰陽未判之先直截承當認取自己本來面目到這裏方知有物先天地無形本寂寥能爲萬象主不逐四時凋大小傳大士不合將常住物華孽私作人情好與一頓趁出然雖如是不因樵子徑爭到葛洪家

除夜小叅以拄杖卓一卓云爆竹一聲乾坤震動山

123456789101112131415161718191011121314151617181910111213141516171819

鼈鼠怪何處出頭因思王老燒錢太煞膽小可笑北禪分歲自取勾牽百山非是屈抑先賢祇爲門風各別汝等諸人莫有成褫者麼衆無對師云不遇知音客徒勞話歲寒遂拖拄杖打散

佛涅槃日薦母請小參機先的旨岸柳拖金末後全提溪桃噴火此方既爾他界亦然不昧高蹤斬新光彩故我佛如來昔年棄皇宮登雪嶺觀明星悟道脫母氏艱辛後來於此日入大涅槃雙趺示現轉眼經今千百載人間猶想舊丰儀想卽不無且道我佛如來卽今在什麼處諸人若識得如來落處便識得已

故周氏先靈落處生無生相滅無滅形本有圓光透徹內外然雖如是山僧爲伊薦拔一句又作麼生道舉拂子云地獄天宮留不住九蓮花內露全身

開爐晚小參僧問紅爐猛燄不可湊泊鉗鎚運動貴乎翻身學人上來請和尚一接師便打進云恁麼則翻身去也師連棒打退乃舉法昌倚遇禪師示衆云法昌今日開爐行腳僧無一箇惟有十八高人緘口圍爐打坐師云古人垂一則語坐斷乾坤直至於今猶令人想其風概百山恰似逢此時節未免畧說數句頡頏二上百山今日開爐衲僧亦有幾箇不必逐

1012345678918012345678915012345678912

隊隨羣聽板裝模打坐任伊灑灑瀟瀟自然免見話
隍此是真實相爲那管諸方笑破何以故蓋諸方開
爐多則一千八百少則三百二百分其間半青半白
不上不下者比比卽欲求真正底於十分中之一亦
大難矣若與麼到不如冷竈邊埋卻一箇半箇驀忽
星兒火發便見薰天炙地報迺佛迺祖深恩是爲得
也且冷竈邊如何解火發去以拂子擊一擊吹一吹
云向這裏薦取

小參僧問如何是第一玄師云已在言前如何是第二玄師云擬議隔萬千如何是第三玄師云掩面哭

蒼天僧禮拜師云何不問三要僧便問如何是三要師打云汝要我不要乃云屋老周圍半是茅高絲累滴沒開交茶湯況又不如意問著烏藤驂春敲諸禪德還受得這般苦楚麼然大家旣已聚頭在這裏則這般苦楚知必樂受決不比一等泛泛之徒專圖些少穩便打閑過日所以密庵傑老人云我者裏也無禪到汝參也無道到汝學也無錢到汝使也無好食到汝喫也不會順摩捋汝只有劈胸一拳汝若參得透盡未來際受用無盡看他古聖垂慈等閒立一言半句直下如大火聚湊泊不得衆中或有出格底漢

向湊泊不得處掉轉鎗頭與他相見百山無甚閒氣力項上有百二十斤鐵枷且要望汝替代因甚如此不見道前頭猶自可末後苦殺人

除夕小參一年三百六十日看看逗到今宵畢東村爆竹響連天西舍紙錢光滿室更有途中索債人腳尖走得血流出大眾百山幸自不曾少汝分文半文又各各走來這裏索箇甚麼良久云不如歸去好明日賀新年

春日小參僧問東君昨夜遺消息紅白枝頭已著花底事分明無向背不知春思屬誰家師云大家在裏

許進云少年一段風流事只許佳人獨自知師云不妨慶快平生進云撲落非他物縱橫不是塵師云多此一句乃云山堂寂寞把扃開忽報天邊春信來瘦策閒拖吟一遍桃英風峭逐人回諸仁者這般光景一年一度誠不多得直須猛著精神快著手腳以到無疑之地方可稱汝參學本懷如其未然只恐有意送春歸無計留春住杜宇枝頭惱亂人落紅長見水流去遂拽杖起身

對靈小參大道縱橫離男女相一真烜赫絕去來蹤
祇因認境漂流以致輪迴弗息若是靈苗秀巧不涉

垢淨底人雖居閨閣中亦可任運隨緣周繇無碍或齊眉佐助或子守幽貞或布德持齋遐齡永享或功成願畢撒手他方總不外此湛寂常光與百千諸佛同坐同行同解同證所以道見身無實是佛身了心如幻是佛幻了得身心本性空斯人與佛何殊別卽

今期逢四七序屬三春燕聲尋王謝堂上之巢馬蹄踏劉阮溪邊之路且道顧門姚氏畢竟在什麼處著到卓拄杖云間浮樹下親修得九品蓮開妙果圓小參日月急如梭人生奈老何不請這箇事總是妄奔波所以有志之士要洞明此段因緣在乎辦鐵石

心真實履踐切不可泥於見聞作箇依草附木底漢也年來佛法荒涼人情懈怠一二行腳者例無正因或記取長言短句墮在肚皮裏以爲究竟纔見人問著不論得失是非祇管信口撒將去或悠悠漾漾打哄過時翫水觀山長視叢林爲驛舍或貢高我慢累發無明甚至淪於邪魔傷風敗教者不可勝數如斯等輩實足痛心豈不見古德山未遇人時氣宇何等雄壯詞鋒何等穎利及到龍潭一點都用不著忽於吹滅紙燭處驕爾知歸乃云從今日去更不疑天下老和尚舌頭也此是第一等行腳的樣子又不見仰

山在百丈時尋常口吧吧地及到鴻山三問三擬答
皆遭喝出從此發心看牛三載一日鴻山見他在樹
下坐以拄杖點背一下他回首鴻山云寂子道得也
未他答云雖道不得要且不借別人口鴻山云寂子
會也此又是第一等行腳的樣子看他古聖前賢幸
有如斯榜樣若是養成頭角底不在所言倘有後進
初機者到此大宜仔細良久喝一喝云莫怪忠言頻
逆耳須知藥苦病堪療

小叅若究此事如自己登高山搏一頭猛虎相似不
論得失危凶祇管揀命進前極力搏將去忽於計窮
這一頭猛虎咬殺諸人去也拈拄杖打散

力竭沒可奈何處痛與一拳拳死方可到大安樂田
地雖然如是更須死後弄得活底出來插翅飛騰直
教盡生佛性命都在他手裏有麼有麼如無山僧放
因雪小叅莫道太平貧雖貧實不貧空堦渾削玉列
瓦蓋堆銀莫道太平富雖富實不富忽爾轉和煦依
前卻漏逗富亦得貧亦得應用隨時原莫測堪笑
鴻世路人黃金擲去無顏色復舉圓通秀云雪中有
三種僧一者蒙頭打坐二者吮筆吟詩三者圍爐說
食師云善爲逆料人情如鏡照像毫髮弗差但不合

分作三種似乎優劣較量太平這裏也不管汝蒙頭打坐也不管汝吮筆吟詩也不管汝圍爐說食只要各各起居輕利和氣輒成一團便是出他一頭地可謂山華不費栽培力自有春風管帶伊
除夜小參僧問北禪烹牛分歲勾賊破家東村王老燒錢不除俗氣去此二途請師速道師云兩箇栗蓬
驀面擲進云爆竹數聲消雪態梅花幾點壯春顏師
云閒閒語進云舉頭天外看誰是我般人師云獨汝
一箇乃云臘月三十日到來也教山僧說箇什麼即
得若要攢花簇錦說性說心山僧無這閒工夫若要
發用施機行棒行喝今日且放過一著若要烹露地
白牛分歲山僧決不圖他家富貴私做人情若一總
不與麼又覺蹉過時光辜負大眾思來算去忽記得
當年曾於糞埽堆裏拾得兩箇乾蘿蔔頭不妨拈出
爛烹和無米飯與汝諸人喫了向槽柚爐邊說幾句
清淡話亦見太平家風迥別且作麼生是清淡話諸
人還說得麼如說不得山僧念箇起句去也遂操閩
音唱云王老夜燒錢殘灰飛滿天醉後睡一覺明日
是新年復喝一喝云若不喝住未免箇箇都學打鄉
談到底去便起身

1701-234567891801-234567891601-23456789

爲食玄公對靈小參爾潛居士問亾弟臨終云心無
罣碍便是佛又云無佛可成還是自語相違還是自
相激揚師云賴有居士證明進云恁麼則亾弟已證
無生和尚今日陞座又追薦箇甚麼師云有條攀條
進云大地衆生皆得度不獨亾弟自超昇師云大家
歎賞有分天叙居士問今日董宅請和尚開示亾靈
若道亾者無靈何必開示若道亾者有靈又何必開
示師云兩途截斷分曉看進云和尚既已開示卽今
亾者在何處安身立命師云不離當處常湛然士禮
拜師云覓則知君不可見乃云茫茫世路杳無涯忽

地翩翩已到家菜果輕搖成慧果心花豁達現曇花
楓江月浦隨緣度寶閣銀臺應用奢今日山僧爲證
據鞭頭撥動白牛車白牛車且止還識鞭頭麼以拂
子向靈前指云祇者是復舉道吾禪師與漸源至檀
越家弔慰源拊棺云生耶死耶吾云生也不道死也
不道源云爲什麼不道吾云不道不道回至中路源
云和尚快與某甲道若不道打和尚去吾云打卽任
打道卽不道源便打師云道吾雖則赤心爲人爭奈
無有活變看來一頓拳頭也是自己招得當時待伊
問生耶死耶但高聲喚云源閣黎伊應諾卽云生耶

死耶伊若擬議攔胸痛與一拳靈利漢這裏挨得身轉非惟擰門挂戶法道不致寂寥卽棺中人亦覺凜有生氣然雖如是在舍祇言爲容易臨筌方信取魚難

小參結夏七日了也本分事作麼生參禪學道是汝本分事喫粥喫飯是汝本分事屙屎撒尿是汝本分事行坐打眠是汝本分事乃至應機接物語默動靜皆是汝本分事與麼說本分事無有不知無有不會爲什麼被人問著十箇有五雙眼瞪瞪地設或祇對得分明更與汝掇向那邊連聲道箇不是汝又轉加

疑惑這裏病在於何祇爲平日不曾向蒲團上真實用工以到大透徹田地耳如昔日有一二禪者曾在閩中親近山僧數年尋常做偈做頌如羊豎起尾巴便有百十餘顆只是聰明知解本分事實未夢見山僧常對他云須真實用工一番切不可執此兩本閒說話便以爲足恐已後都用不著在他總不肯聽信春初因事出山明眼人前果見納敗衆兄弟似這等鑽故紙漢倘能於此回頭去他時異日事未可料若猶是沉迷弗返縱撞到這邊那邊遇著盲瞎阿師滿口印證亦只是亂統禪和如麻似粟要真正擰持法

門敢保驢年構不得也茲值首七之期見諸兄弟用
工多不緊切偶思量及此不覺搭來對衆葛藤且本
分事一句畢竟如何道天氣初炎汗珠尙薄山僧說
底不干汝事直須各自悟去好

除夜小叅荒涼古寺千難萬難竹爆聲響前山後山
不說達時候欲說太無端何如小橋畔斷牆間幾樹
梅華清韵好一任躋攀任躋攀度歲闌就中也有不
平處忙者忙兮閒者閒復舉楊岐和尚云薄福住楊
岐年來氣力衰寒風彫敗葉猶喜故人歸師云山僧
薄福住長慶日與數輩搬石弄瓦氣力猶幸未衰卽

今風吹敗葉光景亦無甚別祇是不見有故人歸敢
問大眾阿那箇是故人還識麼不辭向汝題名姓但
恐相逢蹉過伊

住金粟謝衆護法并前兩序道舊小叅僧問德山小
叅不答話趙州小叅要答話二人酬唱還有優劣也
無師云無甚優劣進云今日新金粟又作麼生師云且
道山僧是答話是不答話僧喝師便打僧又喝師又
打乃云長慶山中住一年口嬾開今朝居廣慧舌上
起殷雷所以道欲識佛性義當觀時節因緣時節若

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

至廻避無門按下雲頭和泥合木便見全賓是主全
主是賓寶劍光寒金鎚影動獨角犀牛翻跨跳三腳
驢子弄蹄行前三三後三三南斗七北斗八淨瓶踢
倒處生薑價重人總在此會中與諸維摩大士放大
寶光照天照地同聲唱和極力贊揚使見者聞者人
人頓發心華箇箇豁開正眼政當恁麼時叙謝一句
如何話會擊拂子云但憑此道酬知己自有清風廓
九垓

秋日澈城對靈小參本自解脫阿誰縛汝本自清淨
何物染汝本自圓明昧汝不得本自具足缺少甚麼

故我辟僊翁吳老居士才高八斗學究三車雖處富
貴中不爲富貴所誤雖居塵勞內不爲塵勞所牽正
念真修孜孜兀兀法門城塹切切殷殷及夫啓手足
之際和氣藹然安寢而逝豈非多生薰習般若能有
如是操略耶既爾則辟翁居士已於大清淨大解脫
場中與百千佛祖具足圓明了無障礙又何待首七
之辰詣山僧陞於此座簸兩片皮始爲得哉然羅漢
有出陰之迷菩薩有隔羅之惑猶恐微瑕所玷未免
借拂子神通助他末後光明去也遂豎起拂子云東
方妙喜世界不離這裏西方極樂世界不離這裏上

方兜率世界亦不離這裏乃至十方所有世界總不離這裏向這裏信步行去雲柯月渚頭頭妙德家風水鳥樹林處處莊嚴國土一悟一切悟一超一切超玉樓文觸目現成金懷衆永劫爲伴山僧恁麼告報敢問諸人還識得禪翁居士也無良久云不因夜靜南來鴈爭見海門今日秋復擊拂子下座

小參鷗灘夜棹角里樵歌塔院疎鐘康橋月影車亭
邊行人杳杳寶閣後羣鳥啾啾無一物不爲諸人啓
圓通妙門無一時不爲諸人闡正法眼藏何須待起
期結制方始鼓兩片皮假餽搆得將來不知劙去久

矣所以古昔抱道之士未曾輕易以一言半句急於人知逼弗得已略露鋒鉢只要當人聲前領略赤體荷擔年來此道傾頽叢學禪流且不必論卽出世爲人師者有一等眼腦不正名利牽懷一期未終便打發三箇五箇以爲叢林得人有一等眼腦稍正心術不端黨援相攻揮金奪院又有一等不識自家好惡偏學簡點諸方賣弄筆尖毫無忌諱更有一等纔承付囑便出頭來嚇鬼瞞神自尊自大蹉因昧果言行張乖凡此皆是離師太早煅煉未純較之古先雲泥何啻山僧雖無箇什麼勝過諸人要且不落這幾等

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述
二十一
一
卷之五

圈績是汝諸人也試甄別看有麼有麼如無再聽一
偶養成頭角已多年偶爾出門被業牽犧祀至今難
擺脫幾番痛苦叫霜天遂拈杖噓一聲起身

薦兄請小眾本在他鄉住來爲此界人無何緣已謝
當下便翻身便翻身明牕淨几原依舊玉版芸編不
是塵珍重同胞休苦憶覺華橫亞一枝新且畢竟如
何相見舉拂子云莫於他處覓極此露全真復舉龐
蘊居士臨終時太守于頃公特往問候士云但願空
諸所有慎勿實諸所無言訖枕于公膝奄然而化師
云龐居士末後提持可謂人之將死其言也善當時

勘辨諸方底手眼向甚處去只如店聲張居士昨臨
終時遺命請山僧小眾指引覺路還是空諸所有耶
還是實諸所無耶諸人試道道看良久云直饒道箇
有無不涉句亦猶是尋常見解

到平湖張啓英等請小眾若論此事如山僧未到平
湖時先蘊一箇平湖光景在胸中不知如何若何及
乎到來原來天是天地是地僧是僧俗是俗男是男
女是女寺西月白鐘鼓交參浦口舟橫漁歌互答忽
地被人問著便可一一抵對歷歷無差雖然如是向
上還有事在且如何是向上事一拳拳倒弄珠樓一

1701-234567891801-234567891501-23456789

吸吸乾鷗湖水 蝦蟹魚龍無處藏
從教徧界香風起 喝一喝起身

除夜小衆僧問年窮歲盡時如何
師云忙者自忙閒者閒乃云一年
今夜盡萬里未歸人
大衆等是他鄉之客爲甚麼不歸卽欲歸也且道歸在何處莫是金
粟山中是汝歸處麼爭奈山外又有山莫是江南淮
北蜀地閩川是汝歸處麼法堂內太有人不肯在畢
竟如何擊拂子云爆竹數聲辭臘去梅花幾點引春
來復舉德山示衆云今夜不答話問話者三十棒時
有僧出禮拜山便打僧云某甲話也未問因甚便打

山云汝是甚處人僧云新羅人山云未跨船舷好與
三十棒師云敢問諸人這僧有喫棒分無喫棒分若
道有喫棒分這僧過在甚處若道無喫棒分德山因
甚便打於此繙素得出非惟扶起這僧抑且捉敗德
山設或未能千里烏駕騎得慣還他舉門拔山人
小參驀召衆云人人有箇要緊底且道在什麼處若
說山河大地是箇閒家俱草木叢林是箇閒家俱佛
祖聖凡是箇閒家俱菩提涅槃是箇閒家俱卽汝四
大六根亦只是箇閒家俱且道要緊底在什麼處向
這裏覬得透淨裸體赤灑灑無絲毫遮障無絲毫滲

10123456789180123456789150123456789

撰述

了知印記卷第一

漏則卽說山河大地爲要緊底亦得草木叢林爲要緊底亦得佛祖聖凡爲要緊底亦得菩提涅槃爲要緊底亦得乃至汝四大六根爲要緊底亦無不得旣都與麼得且道要緊底畢竟是箇什麼喝一喝歸方丈

對靈小叅僧問一句彌陀就位超薦吾師陞座將何指示師云山僧一句也無進云恁麼則孝子門中添瑞彩鷗鵝啼處百花香師云不用麻巾拭淚眼舉頭時自見阿爺進云且喜人靈超昇去也師云上座還見麼僧喝師云也是亂叫乃云未達境惟心起種種

分別達境惟心已分別卽不生大衆上是天下是地前是廊廡後是寢堂喚作心得麼若喚作心豈有心在境外不喚作心又作麼生說箇達境惟心不生分別底道理向這裏拶得一機通挨得一句透在諸佛分上絲毫無增在諸人分上絲毫無減便識得芳仲錢孝廉出生入死得大自在落處非惟識得錢孝廉落處抑且識得諸大孝子起一誠心爲令先嚴追修落處苟或情存限量墮在句後聲前不免重說偈言和泥合水去也善來請法薦親爺滿目風光絕覆遮勢至彌陀齊拍手金塔寶樹屬君家擊拂子云還信

1 2 3 4 5 6 7 8 9 10 1 2 3 4 5 6 7 8 9 10

撰述
百城而歸金華第十一

得及麼剔脫上頭關捩子生來死去總空花

卓先爲寧波徐玉井修薦請小參乾坤之內宇宙之間中有一寶秘在形山當陽信手輕拈出閃爍光生笑破顏道是不值分文卻又千金價重道是等閒易邁卻又迴絕躋攀以此資冥途應時超脫以此酬故舊道義如環鐵笛一枝無孔竅夜深吹過綠蘿灣復云霜風鳴剝剝玉井忽乾枯舉目誰爲伴撫心只自圖拄杖嶙峋兮我今直指腳跟歷落兮汝莫相辜諸人有知伊去處者試出來通箇消息看良久云休休座中賴遇江南客何用樽前唱鷓鴣便下座

除夜小參釋迦老子四十九年橫說豎說是小脫空達磨西來直指人心見性成佛是小脫空天下善知誠行棒行喝豎指擎拳是小脫空且如何是大脫空金粟到這裏有口也無開處雖然記得少時聽有兩句語頗相類不免舉似諸人臘月廿九堂堂月亮盲子解看啞兒解唱東村許阿八被賊偷去一頭牛倩無腳人趕無手人捉輕輕將髻把一揪原來是箇川和尚大眾若向這裏會去要見大脫空也不難莫有會得者麼如或未會莫怪惱亂春風卒未休須知明年更有新條在遂拈拄杖起身

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70

撰述

百福禪師傳記卷第十一

蔣氏率男明浩請小參颺颺涼秋起異風高賢一去杳無踪琴書劍履依然在觸著令人悵莫窮然雖如是也不消得遂豎起拂云看看仲開劉居士來也在山僧拂子頭上放莫大寶光現廣長舌相其光普遍照及百億山河百億日月百億國土三世諸佛總在此光中接物垂慈歷代祖師總在此光中隨機闡化四生六道總在此光中出沒升沉現前大眾總在此光中行住坐臥腳跟點地說什麼觸體翻身鼻孔遼天亦何貴棺材瞠眼智慧擎開香不斷玉樓筵上古文清菩提果熟利無窮金閣池邊仙子聚敢問諸仁

者開翁居士既到恁麼田地爲復是夙承記荆耶爲復是受薦而然耶復豎起拂云還委恁麼水妾雪骨包來久一遇東君便吐花

入殮請小參桃英灑雨竹戶迎風昨夜許氏孺人應時應節去矣且道去在何處天宮佛國擺手任逍遙鐵壁銀山翻身都靠倒是即是若論末後光明也須山僧助汝一著遂以拂子點一點云點開清淨慧眼復畫一畫云劃斷生死根芽直教釋迦彌勒飲氣吞聲文殊普賢未敢當前覩著政當此際益棺一句作麼生道觸體識盡能藏覆本有靈鋒不可埋

1701-234567891801-234567891901-23456789

孝女方氏請對靈小參紅輪畢竟沉西去未審靈冤
往那方盤山老漢向這裏打失眼睛點胸點肋直至
於今無有藏處諸人若識得盤山落處便識得敬槐
方居士自生而少而老以及臨命終時悉從此本有
靈明施爲運用雖然如是猶恐微雲所蔽未免業識
茫茫且聽山僧覲面舉揚去也豎拂子云祇這是不
須參二月春華映碧潭踏芳故鄉田地穩腳跟在處
現優曇

到平湖爲煥也小參幾年此室受香齋今日陞堂話
去來人去茫茫不復返果然鮑老送燈臺若是正念

修行底不在此論何故他知如來者無所從來亦無
所去既無來去則無生死無生死則無輪迴無輪迴
則無天宮地獄無天宮地獄則無愛憎好醜等相無
愛憎好醜等相誰是佛誰是衆生卽欲覓其佛衆生
名字了不可得故我煥也上座未出家時如是修如
是信如是因如是果已出家後亦如是修如是信如
是因如是果茲於六月廿三日自料住世不久特修
書儀請山僧爲伊西歸日指示箇安樂法門雖是求
搔待癢特地多端然亦見伊生平修行有主到臨末
梢頭能無絲毫動搖無絲毫紊亂所以昨者中元節

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標述

百癡禪師語錄卷第十五

三

届預知午時吉祥而近山僧聞之不憚跋涉來爲伊
表揚誠可謂佛法人事一時周畢且作麼生是安樂
法門還會麼心正何如眼正眼親何如手親擊開多
年漏殼迸出無位真人正當此際且道煥也上座畢
竟在什麼處著腳卓拄杖云莫向鄱湖樓上覩堂堂
隨類現全身

居士金超頤陳嘉惠吳圓潤宋圓澄捐貲助刻
祈合家平安百事如意世世生生心不退轉者

百癡禪師語錄卷第十五終



970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

七八

廿九